



الهيئة المصرية العامة للكتاب

د. لطيفة الزيات

بيع فستر

مسرحية



0145719



Bibliotheca Alexandrina

بيع وشراء

مسرحية في ثلاث فصول

د. لطيفة الزيات



١٩٩٤

الشخصيات :

حازم المنواتى	:	٥٥ سنة
عزيز المنواتى	:	٥٠
سامى المنواتى	:	٣٥
يسرى المنواتى	:	٣٠ أخوة
فاطمة المنواتى	:	٤٨
لبتسام المنواتى	:	٣٢
زبيدة الشويكشى	:	زوجة حازم ٥٠ سنة
سنية محمد	:	زوجة عزيز ٤٥ سنة
صفاء الوردانى	:	خطيبة يسرى ٢٤ سنة
نور صفوت	:	زوجة حازم الثانية ٤٢ سنة
الفصل الأول	:	فى المستشفى حيث ينتقل الحدث فيما بين حجرة الاستقبال وحجرة المريض • الزمن : العاشرة صباحا •

الفصل الثانى

المنظر الأول	:	فى بيت نور صفوت •
المنظر الثانى	:	فى المستشفى حيث ينتقل الحدث ما بين حجرة الاستقبال وحجرة المريض •
الزمن	:	فى أعقاب انتهاء أحداث الفصل الأول وفى ذات اليوم •
الفصل الثالث	:	فى المستشفى حيث ينتقل الحدث فيما بين حجرة المريض وحجرة الاستقبال •
الزمن	:	صباح اليوم التالى •

الفصل الأول

المستشفى : ينتقل المشهد ما بين حجرة الاستقبال وحجرة المريض .

الزمان : الساعة العاشرة صباحا .

(حجرة مريض فى مستشفى ، ملحق بها حجرة استقبال لضيوف المريض . حجرة الاستقبال بناهذة زجاجية ضخمة تمتد من اول الحجرة الى آخرها ، والحجرة عرضية على يمين المسرح بينما حجرة المريض طويلة وتشغل مساحة اقل وتنتهى بشرفة تمتد لتجمع بين حجرة المريض والاستقبال وباقى الحجرات . يفصل عمود عرضى بين كل شرفة والأخرى . الحائط الزجاجى يكشف عن اشجار وارفة بازهار حمراء ومع الشمس تعطى شعورا بازدهار الحياة .

حجرة المريض التى على اليسار حائطها الامامى مكشوف لنا بينما بانها الى اليمين . ويتحتم ان يمر منه الانسان الى حجرة الاستقبال التى ينتهى بابها مواجهها له فى اقصى اليمين من المسرح مؤديا الى الممر العمومى للمستشفى .

السريـر موضوع بالطول فى حجرة المريض والى جانبه مقعد ومائدة صغيرة وفى الحجرة تواليت صغير بمراء .

الضوء يتركز في حجرة الاستقبال بينما يختفي من حجرة المريض أو يكاد . الشخصيات الموجودة في حجرة الاستقبال ، فاطمة وعزيز المنواتي أخوة المريض حازم ، وسنية محمد زوجة عزيز المنواتي ، وصفاء الورداني خطيبة يسرى المنواتي . صفاء تلتزم بالنافذة) .

الزمن : العاشرة صباحا .
صفاء : (تستدير من النافذة لتواجه الموجودين وتعاود الاطلاع من النافذة من جديد بعد أن تنتهي من الكلام)
واحدة ست بتلف وتدور حوالين السور ، من الصباح وهي بتلف وتدور .

(تسود لحظة ترقب وتوجس ويسرى يصل الى النافذة ويطل منها . يعاود مواجهة الموجودين مطرقاً يراسه علامة الإيجاب على السؤال الذي لم يسأل) .

فاطمة : هي ؟ يأمصيتي . لحقت تعرف ؟
سنية : (ضاحكة) وتلف كمان وتدور ؟ يظهر المسألة خاتلو .

فاطمة : ويعدين ياسنية ... ماتشوف مراتك ياعزيز ياخويا .

عزيز : (محذرا) سنية .. أرجوك بلاش السيرة دي .

فاطمة : وانت ياسى يسرى أبعد خطيبتك عن السكة دي .

يسرى : صفاء (محاولا جذبها من النافذة وتشبث بوقفها) .

فاطمة : باينه يوم مش فايت ، اخويا حازم بييموت ، وألست زبيدة متسلطنة جوه ، واللى ماتتسماش متسلطنة تحت ..

يسرى : (متقدما الى وسط المسرح ومشيرا لوجود صفاء)
مش .

فاطمة : اهو انت كده يايسرى لا تهش ولا تنش ، اللي بييموت
جوه ده اخوك ولا ابن عمك ، دخلتش شفت الدكتور
الى جوه ده بيقول ايه ؟ ايدا . اخويا يسرى قاعد
هادى نادى ولاكان النزيف شغال والطشوت داخلة
خارجة ، واخويا عزيز شرحه .

عزيز : قلت لك من الصبح ياختى كل اللي ممكن يتعمل
اتعمل ، والباقي على رينا .

يسرى : (بسخرية) هيكون قلبك على اخويا حازم أكثر منى ؟
(مخاطبا فاطمة)

سنية : هدى يافاطمة دا حتى حازم ويسرى فوله وانقسمت
نصين .

فاطمة : (تسقائف الحديث وكأنه لم يقطع) ولا اختكم
ابتسام الى ماوصلتش لغاية دلوقت ، يااختكم ياختى
بقلوياكم .

يسرى : مش جازم ماحدش بلغ اختى ابتسام .

فاطمة : انا من الفجر عملت اللي على ، من ساعة زبيدة
ما قالت لى ، وانا كلمت الدكتور وبلغت الكل الا ...
(وتتوقف وهى تبتلع ريقها) .

سنية : (مقابلة) الا مين ياختى .. هو وهى ؟

عزيز : اوعى تكونى بلغت اخويا سامى يافاطمة .

- فاطمة** : وبتاع ايه ابلغه ، لا أنا هبله ولا هبله ؟ واحد ماشفناش خلقته من خمستاشر سنة ابلغه بصفة ايه؟
- سنية** : أمال ياختى هى عرفت ازاي ؟ مادام شرفت بيقى سامى هو اللى بلغها •
- صفاء** : (تستدير من الغافدة) الست بتبص هنا ، ضرورى بتفتش على حد هنا •
- سنية** : (متلاعبة) ست مين ياختى ؟
- صفاء** : اللى من الصبح بتلف وتدور •
- سنية** : (متلاعبة) دى متلف لف وابنتى !
- صفاء** : حرام •• حرام (وهى تستدير تعاود الاطلال من الغافدة)
- عزيز** : جرى ايه يايسرى ياخويا ؟ ما تشوف لك حل فى خطيبته الست صفاء • باين عليها مش هتجيبها البر النهارده •
- يسرى** : (هامسا) ما تحرفهاش ومش هتعرفها •
- فاطمة** : (متدقعة لتغطي على الحديث الدائر) ابتسام قالت متاخذ طيارة الساعة ثمانية من أسوان ، وهى لسه ما وصلتش لغاية دلوقت • وهى يهملها ايه ؟ اهى طول عمرها من العيلة ومش من العيلة ، من صغرها متغرية وأنا قاعدة هنا اتخل فى همك وانشر ، وهى فى أسوان مع جوزها وولادها متهنية •• يانارى •• وكله كوم والست زبيدة اللى من ساعة ما وصلت وهى متسلطنة جوه تخرجش

تكلما ؟! تخرجش تطلما ؟ واحنا قد المقام ، بنت
الباشا واحنا العبيد اللي اشتراهم أبوها .

سنية : الدكتور فهمى أشهر دكتور فى البلد دى يا فاطمة .
فاطمة : ومايكشفش ليه على أخويا حازم بدل الدكتور عشرة ،
هو أخويا هنية ؟ دا حازم المنواتى بجلالة قدره ، اكبر
مهندس مقاولات فى البلد دى .

سنية : (بتريقة واستفزاز) ونعمل ايه الست زبيدة مراته
مش عايزة الا دكتور العيلة ؟

فاطمة : وعشان كلمة الست زبيدة تمشى نسيب الراجل يروح
فى شربة ميه ؟

سنية : (تقلب يدها فى تريقة) آدى ربك وادى حكمتنه ؟
السلطان لأصحاب السلطان ، وكلمة الست زبيدة
طول عمرها ماشية .

صفاء : (تستدير من النافذة تواجههم) الست وقفت قدام
الباب ، عايزه تدخل ولا يتدخلش . الباب مفتوح
ولا يتدخلش !

فاطمة : (متدفعه للرد على سنية دون أن تعير صفاء اهتماما)
ولأمتى هنفضل شخشيخة فى ايد الست زبيدة ؟!
ياميلة بختك يا حازم ياخويا ؟ آجى هنا الصبح الاقيه
لرحده يا حبة عيني مرمى رمية الكلاب .

يسرى : (لفاطمة محتجاً) احنا مش اتفقنا مانجيش سيرة
للموضوع ده .

فاطمة : (مستأنفة الحديث وهي تستبعد يسرى بإشارة من
يدها موجهة الحديث لعزیز وسنية) شوقوا انتم
وصلتم امتى من اسكندرية أمى زبيدة وصلت قبلكم
يادوب بعشر دقائق .

(صفاء يستوعبها الحديث الآن عن الاطلاع
من النافذة)

عزیز : يمكن بعد ما شحنت أخويا حازم على المستشفى
أخذت لها تعسيلة .

سنية : يحق لها ما هي سهرانه زى كل ليلة فى البرتيته .
عزیز : ولا يمكن بتأخذ حمام الصباح .

سنية : ما هو لما السما تنطبق على الأرض زبيدة ما تغيرش
عادة من عوايدها .

عزیز : ان خرج القطر عن شريط السكة الحديد تخرج هي .

فاطمة : لا يا فالج انت ومراتك ، زبيدة كانت بتسمكر على
الحاجات والمحتاجات اللى عايزاها من مال أخويا
.. زى المنشار طالعه نازله .

(صفاء تتقدم متزعجة الى داخل المسرح
ولا يلحظها سوى يسرى)

عزیز : والله جبت الغايبة يافاطمة ياختى ، كانت بتقف على
المجوهرات ، وساعات اليد اللى بدل الساعة عشرة .

سنية : قول ميه .
وعلى رزم البنكنوت كل رزمه برزمتها ، وعلى
الريكوردات والخلاطات وطقوم السرفيس و ...

يسرى : (يهب واقفا ومقاطعا) كفاية ٠٠ الموقف مايحتملش
الكلام ده ٠٠ حازم تعبان ٠٠ تعبان فاهمين !؟

سنية : (متجاهلة ليسرى) هى بس نسيت تسمكر على
حاجه ٠

فاطمة : على ايه ياختى ؟

سنية : مش فاهمه ازاي نسيته !؟

فاطمة : نسيته ايه ياختتى ؟

سنية : نسيته تسمكر على حازم بالمره ٠
(ضحكات مكتومة من عزيز وسنية وفاطمة)

صفاء : (فى انزعاج) مش معقول ٠

يسرى : (وهو يهدئ صفاء) الأمر مايخلش من مبالغة
ياصفاء ٠

عزيز : ولا مبالغة ولا يحزنون ٠ انتم نسيتموا يوم الحريقة
ولا ايه ؟ الكل خرج وزبيدة والدولاب حتة واحدة ٠

صفاء : (تغمتم من جديد) مش معقول ٠

فاطمة : صدقت يابنتى لكن نعمل ايه ؟ ناس قلوبها حجر ٠

سنية : على مايخرج الدكتور موصل الحمام (لفاطمة)
ماتيجى ويايا (وهى فى طريق الخروج تتبعها :
فاطمة) من ساعة ماجينا من السفر وأنا خايفة حتى
ابص فى المراية ٠

عزيز : خدوني وياكم ٠

(يتفرد يسرى وخطيبته صفاء بالمرح)

صفاء : (تربت على كتف يسرى) شد حيلك يا حبيبي ، أنا :
عارقه قد ايه حازم عزيز عليك •

يسرى : دا أخويا وأبويا والأرض اللي أنا واقف عليها ••
دا أنا وحازم حاجة واحدة •• على فكرة يا صفاء ، أنا
عايزك تروحي بالسلامة • الجو الفظيع اللي هنا ده
مش جوك

صفاء : أروح ؟! ودا معقول يا يسرى ؟ دى اللحظة اللي
ضرورى فيها أكون جنبك يا حبيبي ، مهما كانت
الظروف •

يسرى : (يقبلها بامتنان) يا حبيبتي يا صفاء • قد ايه أنا ،
بحبك ، وقد ايه نفسى أفتح عيني وأغمضها الاقينا ،
متجوزين •

صفاء : وأنا كمان يا يسرى •• انت عارف ؟

يسرى : أنا خايف يا صفاء خايف •

صفاء : (تمسك يده) وأنا جنبك ؟!

يسرى : أنا خايف •• أوعديني انك مش هتخلي عنى أبداً!
يا صفاء •

صفاء : (متعجبة) معقول ؟! وايه لزوم الكلام ده دلوقت ؟!

يسرى : مهما حصل يا صفاء ؟

صفاء : ايه بس اللي يمكن يحصل يا يسرى ؟

يسرى : عاجبك الجو اللي هنا ده

(صفاء ترفع كتفها الى أعلى دون أن تتكلم)

يسرى : قد ايه انت حساسه ورقيقة ، زى تمام لما كنت فى
سك • مش حاستحملى الجو ده يا حبيبى •

صفاء : ماتكبرش الحكاية يا يسرى ، اللي تقدر تستحملة انت
استحملة انا •

يسرى : انا دلوقت كبرت وبقيت أستحمل ، جلدى بقى تخين ،
اسمع ولا اسمعش ، اشوف وكانى ماشفتش •

صفاء : ماتخافش يسرى ، انا اقوى مما تتصور •

يسرى : وانت لسه شفت حاجه •• زمان لما كانوا بيصرخوا
بالشكل ده كنت اجرى على ابعد حته وأدفن راسى فى
الحيطة ، وفى نص الليل يجرجرونى من السرير ،
عايزنى أشهد مين الظالم والمظلوم ؟ (قى نبوة
احتجاج صاخر) وانا مالى انا يجرونى فى مشاكلكم ،
يهمنى قى ايه مين الظالم والمظلوم ؟ مين اللي معاه
الحق ومين المحقوق ؟!

صفاء : (تضحك) انت باين عليك تعبان النهارده خالص
يا حبيبى والا ماكنتش تقول الكلام ده ••• عارف
انا اتهاىلى ايه وانت بتتكلم كده ؟ انك راجل عجوز
يادوب بيطلع فى الروح •

يسرى : انت مش قاهمانى يا صفاء •

صفاء : انت مش كده أبدا يا يسرى ، ولا يمكن يكون ده يسرى
اللى بحبه • انت عارف يا يسرى انا باشعر انى
حيه امتى ؟! لما أتمثل نفسى فى الناس ، لما أعيش
مشاكلكم (تضحك) عارف ايه اللي كان مسمرنى
طول الصبح فى الشباك ؟ الست اللي بتدور حوالين
السور (لا تلاحظ التوجس الذى يبدو عليه) اتهاىلى

انى انا هى وان لى فى المستشفى انسان عزيز
على ٠٠ انسان ضرورى أشوفه ومش قادرة (تنسجم
فى الدور) وحبيبي بيستنانى والأبواب مقفولة
والناس واقفين بينى وبينه ٠٠٠

يسرى : (فى احتجاج) بس ٠٠ بس ٠٠ بس ياصفاء انت
حاتالفى ؟!

صفاء : (تضحك) وعارف طول الوقت كنت عايزه أعمل
ايه ؟ أنزل أهز فى الست دى لغاية ما تفهم ان
ماحدث يقدر يقف فى سكة الواحد طول ما هو حى -

يسرى : روحى ياصفاء • أرجوك عشان خاطرى روحى •

صفاء : (فى حماس طفولى) ويمكن أتشجع فى الآخر وأعمل
كده ، أفضل أهز فى الست دى لغاية ما ترد فيها
الروح •

يسرى : (مندفعاً) أوعى ياصفاء ٠٠٠ أوعى •

صفاء : (متراجفة فى دهشة) ايه الحكاية يايسرى ؟ تكونش
هى ؟!

يسرى : هى مين ؟

صفاء : الست اللى تعرفوها ولا تعرفوهاش ، اللى مابتجيبوش
سيرتها على لسانكم (لحظة صمت) مين هى
يايسرى ؟ ومين هو ؟

(يسرى يرفع يديه فى حركة لا ارادية ليستند رأسه
ثم يفتن الى حركته فيمد يده الى جيبه ، ويلتقط

متديلا ويمسح وجهه ويطبقه ويعيده الى جيبه في
محاولة لكسب الوقت) *

صفاء : (في اصرار) يعنى ماقلتش يايسرى ؟

يسرى : (في اصرار) هى ما أعرفهاش *

صفاء : (بصوت هامس غير مصدقة) الكل يعرف مين هى
وانت بس اللي ما تعرفش !؟

يسرى : (في حدة) ما أعرفش *

صفاء : (مجروحة من حديثه) أنا أسفة *

يسرى : أنا اللي أسف ، حقك على ياصفاء • وأنا حقول
لك هو مين (صفاء تتراجع دون اهتمام) سامى
أخويا *

صفاء : (تضحك في مراره) سامى أخوك ؟ وأنا اللي كنت
فاهمه انى أعرف كل حاجة عنك !

يسرى : أنا غلطان • كان مقروض أقول ولا قلتش وعندى
اسبابى ، سامى منقطع عنا • من يوم ما ساب مكتب
حازم ، طول عمره واقف لأخويا حازم زى الشوكة
فى حلقه ، مافيش على لسانه الا كلمة لا وليه ؟ طول
عمره متصور ان كلنا حراميه وهو الوحيد الشريف ؟
عامل لى مصلح اجتماعى وقضى نص عمره فى
السجون ومش عاجبه الحال وعازب يغير وش
الدنيا *

صفاء : (فى لهجة تقزيرية) سامى فنان يايسرى !؟

يسرى : (متدفعا) رسام متشرد ، يبقى عندنا فى المكتب عشر
مهندسين ديكور وهو داير يبيع لوحاته (لحظة صمت

يتراجع اثرها مبهوتا) ولكن انت عرفت ازاي ان
سامي فنان ؟

صفاء : (بصوت خافت تخاطب نفسها) ومين غير فنان يحلم
بغير وش الدنيا !؟

يسرى : (مبهوتا) وانت كمان عايزه تغيري وش الدنيا !؟

صفاء : (شبه متحدية) وانا كمان يايسرى .

يسرى : (بصوت منخفض) يظهر النهارده يوم المفاجآت .

صفاء : (بخفة) وانت لسه شفت حاجة ؟

(تصل الى اسماعهما أصوات ويبدأ يسرى
يتراجع الى الخلف بظهره وعزيز وسقاية
وفاطمة يدخلون المسرح يفصلون بين يسرى
وصفاء وعيونهما مازالت معلقة الواحد
بالآخر . في نفس اللحظة تظهر زبيدة وهي
تفتح الباب للطبيب ، وتدخل ابتسام وتقف
تستمع الى ملاحظات الطبيب دامعة
العينين)

الطبيب : (يواصل كلاما بده) انا ماقدرش أقول يا زبيدة هانم
ان الحالة ميئوس منها زى ما حازم بك متصور
وما اقدرش أقول بسيطة . النزيف من المعدة مستمر ،
وفيه احتمال كبير ان الدم يتجلط بفعل الأدوية ، وفي
نفس الوقت ماقيش دليل على ان عملية التجلط بدأت .
(فترة صمت) على العموم مفروض ان عملية التجلط
تتم خلال ست ساعات ، ان تمت تبقى مرحلة الخطر
فانت .

(زبيدة تودع الطبيب حتى باب الخروج
وتكاد تصطدم بابتسام)

فاطمة : انت جيتى يا ابتسام ؟
زبيدة : مع الف سلامة يانكتور رينسا مايحرمناش منك
(تستدير لتجد ابتسام على باب حجرة المريض
وتقول فى لهجة أمرة) ابتسام رايحة فين ؟

ابتسام : (دون أن تستدير وهى تضع يدها على قبضة الباب)
داخله اشوف أخويا .

زبيدة : أخوك نايم ياختى (ابتسام تندفع داخلة وزبيدة تكمل)
البت دى مش منا ، طالع كده زى النابوعة ، قال
يعنى ما حدش بيحب حازم غيرها (زبيدة تكمل كلامها
فى حركات مسرحية كممثلة فاشلة تفتح ذراعيها
وتفقلها وترفعها وتخفضها ، وتكثر من استخدام
أصبع يدها اليمنى الذى تحركه يمينا وشمالا وترفعه
وتخفضه) متلجمة ياخواتى من الفجر وأنا متلجمة .
واللى غطى ووطى دخلة البيت ابتسام دى على أخوها
من غير احم ولا دستور . . . وكله كوم واللى نابنى
ساعة ماشفت حازم بيجرى من أودة النوم للحمام
ومن الحمام لأودة النوم . اقول له طيب البس
الشبشب ياأخويا رجليك تتوسخ ولا هو هنا ،
وأخترتها صرخ فى قال : الحقينى بالدكتور . جيت
أنزل من على السرير عشان اتكلم فى التليفون .
أدعك فى رجلى دى شوية ورجلى دى شوية انى اتلم
على رجلى يا أولاد ، لا يمكن أيدا ، وكل ما اشوف
حازم من غير شبشب ، اقول لنفسى يابت انت فى حلم .
ولا علم !؟

(تجلس وفي المقاطع الأخيرة من كلامها
يخفت الثور تدريجيا ليبدأ في الظهور في
حجرة المريض حيث تركع ابتسام على
ركبتيها ويدها مستقرة على يد المريض
النائم) •

حازم : (يفتح عينيه ويأمل ابتسام لحظة) انت جيتي ،
يا ابتسام ؟

إبتسام : (في مرج متجلدة) جيت ولقيتك زى القمر أهو
وصحتك عال العال ، بس كده تخضنا عليك •• على
العموم ادلع زى ما انت عايز ، بس على شرط بكرة
بالسلامة تكون على رجلك •
(حازم يتطلع مقسائلا) •

إبتسام : انت ناسى ان بكرة عيد ميلادك ؟ كل سنة وانت
طيب •

حازم : الأجل انتهى يا ابتسام •• وعشان كده طلبتك •

إبتسام : طيب دى زبيدة ماكانتش عايزه تدخلنى •

حازم : خايقة ، زبيدة ، خايقة ، ولكن انا عارف انى لو امنتك
على سر هتصوني •

إبتسام : سرى فى عينى يا أخويا •

حازم : وعشان كده طلبتك ، وما طلبتش حد تانى الا أخوك
سامى •

إبتسام : (مستفكرة) بعد القطيعة دي ؟ وانت فى الحالة
دى ؟

حازم : المضطر يابنتى يركب الصعب ، الأجل حان وأنا محتاج له .

إيتسام : زى ما انت عايز يا خويا .

حازم : إيتسام أنا ما خرجتش من الدنيا الا باسمى ، لا ولد ولا بنت ، واسمى ضرورى يفضل من بعدى محترم زى حقه البرلنت ١٠٠ طول عمرى بأدفع وأضحى عشان أخللى الدنيا تحترمنى وصورتى والحمد لله مافيش أبيض منها (يلتفت إليها) اسألى أى واحد عنى .

إيتسام : ودى عايزه سؤال ياخويا ؟

حازم : (مندفعاً دون أن يستمع إليها) يقول لك مافيش حد فى الدنيا زى حازم المنواتى ، محترم دوغرى عادل لا عمره ظلم ولا أذى حد . (يستجمع صوته فى هسفيرية) ودى الصورة اللى ضرورى تفضل من بعدى . (لحظة صمت) إيتسام ، أنا طول عمرى قصرت مرة فى حقكم ؟

إيتسام : أبدا ياخويا . خيرك مغطينا ومغضى ولادنا ، وكلنا واحد واحد وواحدة واحدة .

حازم : نصيبكم خدتوه وزيادة (يتأملها وهو يتفحص قدرتها على الاحتمال) مافيش ميراث يا إيتسام .

إيتسام : (فى استغراب) مافيش ميراث ؟ البركة فيه ياخويا .

حازم : أنا تنازلت لراتى بيع وشرا وأنا على رش الحيا .

إيتسام : (فى دهشة متزايدة) مراتك ٠٠ مراتك مين ؟ (فى
توجس) زبيدة !

حازم : أيوه مراتى زبيدة ٠٠ أعمال حتكون مين معنى ؟ ٠٠
أنا كنت عايز الشرع يمشى وكل واحد ياخذ نصيبه
لكن فيه ظروف أقوى منى .

إيتسام : زبيدة ماخطرتش على بالى ٠٠ يمكن حد تانى ٠٠
لكن زبيدة لا .

حازم : (فى توجس) حد تانى مين ؟

إيتسام : ولا حاجة ياخويا ٠٠ ولا حاجة .

حازم : امال قصدك ايه ؟

إيتسام : أنا طول عمرى فاكرك ٠٠ (لا تكمل)

حازم : انى شاييل زبيدة زى الحمل فوق كتافى ٠٠٠ وأنا
كمان ٠٠ لكن الواحد لما يبقى قدام الموت بيعرف
الحقيقة ٠٠ طول عمرى بحاول أتخلص من زبيدة،
لكن الضفر ما يطلعش من اللحم ٠٠ والنهارده
اكتشفت ان أنا من زبيدة وزبيدة منى .

إيتسام : (فى سخريه خفيفة) مادام الوضع كده يبقى اللى

عملته عين العقل ياخويا ٠٠ بيع وشرا لزبيدة !

على العموم الأرض أرضك ياخويا ، وانت حر فيها .

حازم : وصيتك ما تجييش سيرة لحد يا ابتسام .

إيتسام : حاضر ياخويا (تقوم واقفة للتغادر الحجرة) بس

المهم انك تشد حيلك وتظمن عليك .

حازم : . . . مافضلش الا حكاية سامى ، لما اخلص منها اقدر
أموت مستريح . لما سامى بييجى بخليه ، ولو
غصب عنهم .

(يخفت النور تدريجيا فى غرفة المريض
ليعلو تدريجيا فى حجرة الاستقبال . زبيدة
تجلس فى نفس المكان وتبدو وكأنها لم تكف
عن الكلام وعن احتكار أنقباه الموجودين
المصطنع . ابتسام تدخل وتقف خلف زبيدة
التي تواصل الكلام وهى تجفف دموعا
لا وجود لها) .

زبيدة : أنا مش عارفه لو بعد الشر حصل حاجه لحازم
هعمل ايه ؟ دا أنا طول عمري أقول له ياخويا أنا
ماليش فى الدنيا غيرك صحيح عزوتى كبيرة
واخواتى الرجالة والسيدات ملو هدومهم ، أصل
وغنى ومركز ، لكن ماليش فى الدنيا غيرك ، ياما
نفسى يومى يسبق يومك . . . دا أنا الأربع شهر اللي
يقعدهم فى اسكندرية ببقى على نار . . الصبح
أضرب لحازم تليفون فى المكتب والظهر فى البيت
. . وساعات أقوم بن عز نومى مفزوعة أضرب له
تليفون عشان أطمئن ان كان نائم فى البيت ، وعمره
ياختى ما اتورب كنده ولا كده ، أشاور بصباغى
الاقية تحت رجلى ، والنهارده عرفت معزتى عنده
(لا تكمل) .

(يدخل الحجرة فى ظاهور رجالين فى
ملابس سوداء كملايس الكتبة العموميين ،
يتقدمهم سكرتير حازم الخاص ، تنتفض

زبيدة واقفة • تتقدم ابتسام وتعرض
طريقهم لحظة ثم تخلي لهم المكان) •

زبيدة : (وهي تفر خارجة من الباب المؤدى الى بقية اجزاء
المستشفى) دا شغل ياختى شغل ، أخوك يبشوف
شغله •

(تختفى زبيدة فى اللحظة التى يفتح فيها
السكرتير الباب ليدخل الكاتبان ثم يقفله
خلفهما • يعود وهو يمر بالمجموعة فى
خطوات متعاقلة تحيط به النظرات الى أن
يختفى خلف زبيدة ، ثم تنفجر المجموعة
بالتوتر • يقفز عزيز وسنية وقاطمة من
مقاعدهم ويلتفون فى حلقة حول مائدة
الوسط يتبعهم يسرى فيما بعد • ابتسام
تقف الى جانب النافذة ، ولا أحد يسمع ما
تقول سوى صفاء • والكل يستوعبه النقاش
الدائر حول موضوع السأهة) •

ابتسام : نور تحت بتلف وتدور حوالين السور •

صفاء : نور ؟ اسمها نور ؟

عزيز : امال متكون ايه يعنى ؟ ما فيش غير وصية •

يسرى : زبيدة قالت لكم شغل يعنى شغل ، ضرورى تطلعوا
لنا خشكة من تحت الأرض •

سنية : ما بقاش أنا سنية ان ماكانت وصية ، والمهم دلوقت
نعرف الوصية لين ؟ مين حايلف ومين حايتلف ؟

- فاطمة : يا مصيبتى هى المسألة فيها لهف وأنا مش داريه .
- يسرى : ياخوانا أنا متأكد .
- عزيز : اسكت انت خالص .. أنت طول عمرك الحاجة تبقى قدامك وانت مش شايفها .. أهو انت شريكه وعارف دواخله .. تقدر تقول لنا الشغل دا إيه ؟!
- يسرى : مستحيل يا خوانا مستحيل . حازم طول عمره ماشى بالعدل .
- سنية : ضرورى ضحكت على عقله ..
- فاطمة : (فى انقصار) زبيدة .
- سنية : زبيدة مين انت رخره .. وهى زبيدة دى قتعد من البنى آدمين ، دى محنطه على وش الدنيا .
- إيتسام : (فى هستيرية) أنا من زبيدة وزبيدة منى .
- فاطمة : يبقى مافيش غير مراته الثانية .
- حنفاء : (لابتسام دون أن يعيرها أحد التفاتا) نور مرات حازم الثانية ؟ !
- عزيز : مافيش الا نور .
- فاطمة : عملقتها المنيله .. اتمسكت لما اتمسكت .
- يسرى : حازم يسبب ثروته لنور ؟ لا يمكن أبدا .
- إيتسام : لا يمكن أبدا ... الضفر مايطلعش من اللحم .
- فاطمة : ومن خيمتنا كنا فاكورين أن حازم بالغ نور .

سنية : ونور هي اللي بالعاه وطاوياه زى المنديل فى ايدها .

يسرى : ياخوانا انتم مش فاهمين حاجة ، نور دى مجرد (يتوقف وهو يبحث عن تشبيه) •

عزيز : مرايه •• زى المرايات اللي بتكبر صورة الواحد فى مدينة الملاهي •

يسرى : (وقد وجد التشبيه) نور مجرد نزوه فى حياة حازم ، نزوه وراحت •

فاطمة : طيب ولما الوصية مش لنور تبقى لمن يا فالح ؟

يسرى : قلت لكم مافيش وصية •• مش عايزين تفهموا عنكم مافهمتم • انا ورايا شغل ومش فاضى للهوسة دى (يقول وهو يتجه للخروج) ياللا بينا يا صفاء •

(صفاء تشيح بوجهها عن يسرى غاضبة وتجلس فى نهائية على مقعد بجوار الشرفة)

عزيز : (مهولا خلف يسرى) كلمتين بس يا يسرى قبل ما تخرج (يلحق به)

فاطمة : والنبي واللى نبي النبي لو حلفتوا لى على مصحف ان الوصية لزييدة ما اصدق •• لا هو حازم نسي اللي داقه على ايدين زييدة ؟ • دى مسحت به الأرض وينا كلنا ؟

سنية : (لفاطمة) أهو انت السبب فى التجاوزه المهيبة دى على بنت الباشا عقلتك كان جايش •

فاطمة : لا هو يا بنت حطيت الحديد فى ايده ؟ والله لو ما كانت زييدة فى ضمير حازم ما كان سمع كلامى • واهو وصل للى كان طول عمره عايزه •

سنية : وهو وصل بعقل !؟ من ابن كمبارى لاكبر مهندس
فى البلد كلها ...

فاطمة : (لسنية) هو هنتق ولا هنتق ؟ قال ايه من
امتى طلعت القصر ... امبارح العصر ؟

سنية : (فى دلال) كلنا فى الهوا سوى ياروحى . بس أنا
طلعت بدراعى ماحدش زقنى . وعلى كل خلىنا فى
الى احنا فيه ، كلها ست ساعات وواحدة من الاثنين
تبيع وتشتري فينا .

فاطمة : ياميلة بختك ياخويا لا ولد ولا بنت .

(يدخل سامى)

إيتسام : اخويا سامى .. انت جيت ؟

فاطمة : بعد الغيبة الطويلة جاى تعمل ايه هنا ياواد انت ؟

سامى : (مصافحا سنية) علمى علمك .

فاطمة : ما هو أنا ماحدش ياكل بعقلى حلاوة . انت ضرورى
منا عشان ...

سنية : (مقاطعة) عشان يشوف أخوه (فى مكر) هيكون

عشان ايه ياخوتي ؟

فاطمة : عشان نور .

سامى : طيب سلمى الأول (ترفض أن تمد يدها) يجوز يكون
السلام مجهود ضائع مش هتكتفى من وراه حاجة ،
لكن على كل حال مش متخسرى حاجة .

سليم : (متذمعة) وايش عرفها انها مش متخسر حاجة ؟

سامي : (يسحب يده ويتكلم فى سخرية خفيفة والمشهد يسليه اكثر مما يفيظه) دى فعلا مسألة محتاجة لتفكير ، لاستشارة ، ولكن متستشيرى مين ؟ حازم عيان ، يبقى مافيش غير زبيدة ، ادخل على زبيدة قولى لها ، اسلم على اخويا سامى ولا مسلمش ؟ وان سلمت اخسر ولا ماخسرش ؟ وتبقى المشكلة انحلت ؟

سنية : زبيدة مش جوه ياخويا (بلهجة أمرة) ماتسلمى على اخوك يافاطمة .

(قاطمة تمد يدا مترددة وسامى يتجاهل اليد ميتسما)

سامي : انا آسف ياسنية هانم ، انا ماكنتش عارف انك بتحلى محل زبيدة فى غيابها .

سنية : قصدك ايه ؟

سامي : قصداً يغنى الأوضاع بتتغير .. لا اللى تحت يفضل تحت ، ولا اللى فوق يفضل فوق واننا بعيد عن العيله ماعرفش ، ايام ماتجوزت عزيز اخويا حازم قال ايه ؟

سنية : وايش عرفنى ياخويا ؟ هو حد بيبلغهم لاهوك حازم راس من رجلين ؟

حسامي : قال بالضبط : الصمت دى مش فوق مستوى الشبهات (فى توبة) مالبخش زى بعضهم اصله راجل نقيق مايبخش المبالغات .

- فاطمة :** انت جاي تلهف وتلبخ كمان ؟
- سنية :** (لفاطمة) صبرك على شوية • (لسامي) لكن دى كان زمان ياخويا واللى فات مات •
- سامي :** ودلوقت عايشة مع عيلة المنواتى فى تبات ونبات ؟
- سنية :** زى السمن على العسل ياخويا (فى استفزاز) والمستغنى زى ما انت عارف سلطان •
- سامي :** ومن امتى قتحوا لك باب جنة المنواتى ؟
- سنية :** (تضربه على كتفه فى دلال) من زمان ياخويا من أيام ما كسبت قضية الوقف •
- سامي :** يعنى الواحد ضرورى يتحكم على كام عشان ينتقل من مستوى الشبهات لفوق مستوى الشبهات ؟
- سنية :** والله ياخويا ما أنا فاهمة حاجة ، المهم دمك خفيف يامضروب •
- سامي :** (فى الحاح) يعنى الواحد ضرورى يبقى عنده كام عشان يبقى محترم ٢٠ ألف جنيه ١٩
- إيتسام :** طيب كتر شوية •
- سامي :** ١٠٠ ألف جنيه ١٩
- سنية :** يادوب ياروحى يادوب •
- سامي :** وساعتها يبقى محترم ؟
- إيتسام :** يبقى سلطان زمانه والكل عبيده •
- سامي :** وساعتها تتوفر فيه شروط الالتحاق ؟

سنیة : الالتحاق بایه یاخویا ؟

سامی : بیجة المواتی ؟

سنیة : (تضحك تتقدم من سامی ، تمر بیدها علی شعره •

سامی یقفز بشكل لا ارادی من حركتها ولكنها
تلاحقه بثقلها) أنا ریحتك یاروح قلبی ، ودلوقت
علیک تریحنی • جای تعمل ایه هنا یاسیدی أنا ؟
الطبخة اللی بتتطبخ جوه دی لمن ؟ (سامی یقلت من
تلاصق جسدها ولا یتكلم وتراجع هی متعمرة)
یغنی مش عایز تتكلم ؟

سامی : أتكلم أقول ایه ؟ أنا ماعرفش حاجة •

ایتسام : جازم طالب سامی •

سنیة : بقی كده ، طیب ما یقاش أنا سنیة ان مامرطت یم
الأرض أنت والست نور اللی ما حبش مالی عنیک
غیرما (تغادر المسرح وتتوقف قبل الاختفاء قائلة)
بكره متشوف ، الأيام بینا •

(صفاء تصل الی منتصف المسرح وقاطمة
تلتزم مقعدها متكمنة)

صفاء : ولناية امتی هنسیب نور تحت مستنیة ؟

سامی : (معجبا) أنت بتعمللی ایه هنا ؟! انت قطعاً مش بنت
عزیز ولا فاطمة ؟

ایتسام : دی صفاء یاسامی • خطیبة أخوك یسری •

سامی : (فی دهشة) خطیبة یسری أخویا ، مش معقول

(مخاطباً صفاء) عارفه ان فيك شبه كثير من نور ؟
(يضحك) لما كانت في سنك .

صفاء : انا مش شايقة حاجة تضحك في الموضوع ، وأرجوك
يااستاذ سامى مافيش داعى للمقارنات دى .

سامى : شر البليه ما يضحك ، أصل التاريخ بيعيد نفسه
حازم ونور ويسرى وصفاء .

صفاء : (فى احتداد) قلت مافيش داعى للمقارنات دى
لسبب بسيط ، انها مش صحيحة ، انا مش نور
يااستاذ سامى . انا أعرف سكتى كويس اوى
ولا حدش يقدر يمنعنى .

سامى : على الله .. انا قلت لما كانت في سنك . الانسان
بيتغير .

صفاء : (فى غيظ صيالى) انا منزل أجيب نور .

فاطمة : (تقفز من مقعدها) تجيبى مين يا اختى ؟

صفاء : أجيب نور .

فاطمة : نور مين يابنتى ؟

صفاء : نور مرات حازم ، وانت عارفه كويس .

فاطمة : ما أعرفهاش ولا حدش عنديا يعرفها .

سامى : دا أول درس فى دنيا المنوالى ، الانسان المحترم
يعرف ولا يعرفش ، يشوف ولا يشوفش ، الانسان
المحترم ما يجسش ما يفكرش ، ما يتفعلش .

صفاء : أنا بشوف ويحس (متجهة الى باب الخروج)
ومنزل اجيب نور .

فاطمة : (تلحق بصفاء وتديرها بقوة من كتفيها حتى تواجهها) انت اتجننت .. داكون يابنتي ومنظمه سيده .. عايزه تيجي على آخر الزمن تعد للمي عليه ؟

صفاء : سييني ، أنا ماقدرش أشوف حد بيتعذب واقف ساكتة .

فاطمة : ما تتعذب يابنتي ولا تتجرق .. دخلك ايه انت ؟

صفاء : (تسقط ذراعي فاطمة عنها وفي اعتداد)
أنا انسانة .

سامي : (لصفاء) انت بتعمللي ايه هنا ؟ اخرجي ولا ترجعيش .
اخرجي قبل ما تفقدي الاحساس بالمسئولية .

فاطمة : كله الا المسئولية دي ! كانت الست نور من بقية قرانيك ؟ اسمعي يابنتي خروج من هنا مش متخرجي . اذا كنت عايزه تولعي حريقه ولعيها بره . احنا مش في السيميا يا حبة عيني . كل بيت وله سلوه واللى عايز يعاشرنا يمشى على سلونا .
(تسمع اصوات قادمة من الخارج)

فاطمة : على الله يكون يسرى جه ويشوف لك تصريحه ، يا اما يردك لمقلك يا إما يردك على بيت ابوك .

صفاء : أنا معي جازد عليك ، لكن ضروري كل حاجة تكون واضحة . ، أنا معيش مع يسرى على سلونا احنا

مش سلوككم انتم ، وان كنت فأكبره غير كدم ببقى
غلطانة .

سامي : (بتريقة) بيتها لك و

فاطمة : (مقاطعة) يسرى أخونا وابننا وسلوه من سلونا ؟
هو (تلزم الصمت ولا تكلم) (سكرتير حازم
الخصوصى يعبر حجرة الاستقبال فى اتجاه غرفة
المريض ، فاطمة يبدو عليها التوجس ، سامي ينظر
الى ابتسام مستفسرا)

إيتسام : وصية

سامي : (فى دهشة) وصية ؟ !

إيتسام : (مؤكده) وصيه

(فى نفس اللحظة التى يفتح فيها السكرتير
الباب يظهر الرجلان بثيابهما السوداء
خارج غرفة حازم ، ويظهر عزيز وزوجته
سنيه فى المدخل ، وحين يعبر طابور الرجال
المسرح الى المدخل يفسح لهما عزيز وسنيه
الطريق)

سامي : (يتفجر ضاحكا) بقى ده الموضوع اللى من الصبح
بتدوروا وتلفوا حواليه ، وجاى ليه ؟ وجاى تعمل
ايه ؟

عزيز : اعمل لى برىء ياسى سامي . اعمل لى ضحية :

سامي : الضحية تحت يا عزيز

عزيز : والله ما حد عارف مين الضحية ؟ ، الوصية لست
نور مش كده ؟!

سامي : والوصية متعمل ايه ؟ مال الدنيا ما يعوضش نور
عن اللي فات من عمرها مقبورة

سنية : هي اللي قبرت. نفسها بايديها . ماحدش غصبيها
(سامي يتجه الى غرفة المريض)

عزيز : (يسد عليه الطريق) اسستنى عندك ... مش
متدخل

فاطمة : (تنضم الى عزيز) مش حتفوت الا على جتتى .

ييتسام : (وهي تتقدم الى وسط المسرح) ابعدوا عن سكة
سامي . (لا يتحرك عزيز وفاطمة) اخويا حازم
طالب سامي .

"(أصوات مختلطة للمجموعة وهي تتراجع،
مش ممكن ، مستحيل ، لتفسح الطريق
مهزومة لسامي)

فاطمة : (مولولة) جالك كلامي ؟!

(يخفت الضوء تدريجيا في غرفة الاستقبال

ليعلو تدريجيا في حجرة المريض . يظهر

سامي وهو يتقدم من السرير ، يلقاه حازم

والقناع الجامد المتباعد الصارم يكسو

وجهه)

حازم : انا طلبتك .

سامي : (يوافقا تجيت ، ، ،)

حازم : عارف ليه طلبتك ؟

- سامي** : مش عشان وحشتك قطعاً .. ولا عشان أمنحك
الفقران .
- حازم** : (مبتسماً في احتقار) غفران .. منك انت - انت
لا تملك الغفران ولا أنا محتاج له . أنا مموت
وأنا مستريح ، طول عمرى باعمل الصبح . والأكيد
انى أنصفت الكل .
- سامي** : بيتيه لك ، رينا بس اللي يقدر ينصف الكل ..
الانسان لما يحاول ينصف الكل ماينصفش حتى
نفسه .
- حازم** : (في اصرار هيسقيرى) انا أنصفت الكل وهنصف
الكل .. ثم أنا مش جايك عشان أستمع لمواعظك ،
أنا جايك عشان نور .. أنا عايز .. (ولا يكمل)
- سامي** : (متدفعاً) أنا عارف انت عايز ايه ؟ عايز نور
تسامحك .
- حازم** : تسامحنى على ايه ؟ أنا ماحرمتش نور من حاجة ،
أنا صرفت على نور دم قلبى ، أنا عشان نور عشت
وهموت مهدد .. ضحيت بأعصابى وراحة بالى .
- سامي** : (فى سخريه) وكان ليه التضحيات دى كلها !
ماكنت تستغنى عن نور من الاول وتخلص .
- حازم** : نور ماتقدرش تعيش من غيرى .
- سامي** : (فى سخريه) ولا زبيدة تقدر .. ولا جنس بنى
أم ، دا الوهم اللي انت عشت عليه .
- حازم** : زبيدة ولعت فى نفسها النار يوم ما عثرت بحكاية
نور .

- سامى : وطلقت نور واتجوزتها فى السر تانى .
- حازم : (متدفعاً دون تفكير) انا عمرى ما طلقت نور . .
- انا . . (يتلعثم وهو يدرك انه افضى بما لم يكن فى نيته الاقضاء به) .
- سامى : (مصعوقاً) ما طلقتش نور ؟! (لحظة صمت) امال ورقة الطلاق اللى فى درج زبيدة تبقى ايه ؟!
- حازم : (متهرياً) ولا حاجة . . ولا حاجة .
- سامى : (صارماً) عملت ايه ؟ ورقة الطلاق دى تبقى ايه ؟
- حازم : (متفجراً) مش شغلك .
- سامى : (فى برود) وعايذ ايه دلوقت ؟!
- حازم : عايذ نور ما . . (لا يكمل) .
- سامى : (متوجساً) ماتعملش ايه تانى ؟
- حازم : (يغير مجرى الحديث) عايذ اضمن مستقبل نور واموت مستريح . .
- سامى : مش دا اللى كنت عايذ تقوله .
- حازم : (متجاهلاً لكلامه) ارفع طرف المرتبة متلاقى ورق، ماته (يسلم سامى الورق الى حازم) عارف الورق دا ايه ؟ مخالصة لنور .
- سامى : مخالصة ؟
- حازم : انا نقلت باسم نور فى البنك كل اللى عندي
- سامى : (يردد فى برود) كل اللى عندك ؟

حازم : من أموال سايله ومستندات ادخار وأسهم والتنازل
جاهز ، مش ناقص الا على امضاء نور (فى حدة)
عارف المبلغ ده كام ؟

سامى : سنوية بتقول ميه ألف جنيه على الأقل .

حازم : (تسقط الأوراق من يديه ويصرخ مختنقا) هم عرفم
أن الأرض والعمارات لزبيدة والأموال السائلة
لنور ؟!

سامى : (يتكس رأسه لحظة وهو يستوعب الخبر ، ثم يلقي
بها الى الخلف وهو يضحك) الأرض وما عليها
لزبيدة والفانى لنور .

حازم : أنا حلفتها ماتقولش وبرضه قالت .

سامى : وهو معقول زبيدة تقول ؟

حازم : زبيدة مين ؟! ابتسام .

سامى : ابتسام ماقلتش حاجة .

حازم : أمال ايه حكاية سنوية والميت ألف جنيه دى ؟

سامى : لأدى حكاية ثانية .

حازم : يعنى ماحدثش يعرف ؟!

(سامى يهز رأسه بالنفى)

حازم : (يجمع الأوراق) ودلوقت خرينا فى المهم . نور
ضرورى تمضى الأوراق دى بأسرع ما يمكن . بعد
ساعة هكون مش هنا .

سامى : بسيطة . : اتادى نور :

- حازم : (متوجسا) تناديه منين ؟
- سامى : نور من الصبح مستتية تحت •
- حازم : (يقفز جالسا فى السرير) الحقها ياسامى ، الحقها قبل زبيدة ما تحط الحديد فى ايديى •
- سامى : (فى برود) اظن ده مش جديد ••• زبيدة طول عمرها حاطة الحديد فى ايديك •
- حازم : (فى حالة دفاع عن النفس) ذا كان الحل الوحيد •
ما كانش قدامى غيره ودفعت تمنه غالى • وعشت طول عمرى خايف (يتوقف مرعوبا) لكن انت عرفت ازاي ان ورقة طلاق نور مزورة ؟
- سامى : (مستوعبا الخبر) ورقة طلاق نور مزورة ؟
- حازم : انا تعبان ياسامى تعبان •
- سامى : مزورة ! ورقة طلاق نور ولا ورقة جواز نور اللى مزورة ؟
- حازم : انت مجنون ، نور مراتى شرعا •
- سامى : (ساخرا) شرعا ؟ •• نهايته متشوف نور امتى ؟
- حازم : لم الأوراق دى وخذ نور على البيت •
- سامى : نور مش متحرك من تحت الا لما تشوفك •
- حازم : قول لها ان دى رغبتى ، تستنى فى البيت (صمت) هبقى اتصل بيها فى الوقت المناسب • انا متأكد انها هتفهم ، قول لها تبعد عن منا باى ثمن ، زبيدة تملك تجرجرها وتجبرنى فى المحاكم فى الموت والحيا •

(يتوجه سامى الى باب الخروج وهو يكرز على
اسنانه حتى لا يتفجر)

(يستوقفه) سامى فيه حاجه •• اخيره •

سامى : (يستند الى باب الحجره) اوامرك ••• نواميك !؟

حازم : قول لنور انى يحبها ، قول لها انها الوجه المشرق

فى حياتى ، انى حبيبتها وما حبيتش غيرها وجه
الوقت اللى ضرورى تثبت فيه انها بتحبنى زى
ما يحبها ، قول لها ان لى رغبة اخيره •• مش
مستريح فى قبرى لو ما تحققتش •

سامى : ايه تانى !؟

حازم : ما تعلنش جوازنا •

سامى : (يستند رأسه على الباب ويغمض عينيه ويتصلب
جسده وهو يتجلد ليتلقى صفعه) قصدك طول ما انت
عائش •

حازم : (فى صوت خافت) ماتعلنوش أبدا •

سامى : (عائدا الى سرير حازم متفجرا) عايز تواد نور فى

الحيا والموت ، عايز تتحكم فى أمور الكون وانت
موجود وانت مش موجود • انت فاكّر نفسك ايه ؟
رينا !؟ الناس اللى بره دول ضحكوا عليك ،
وصدقتهم ، فهموك انك اله وصدقتهم •

حازم : (فى تأكيد) فيه اعتبارات اقوى منى ••• ونور

عمرها ما عازت الا اللى انا عايزه •

سامى : (وقد تغيرت نبرته الى السخرية) ماتدفنها احسن

قبل ماتموت (صمت) فى الهند كانوا بيدفنوا الست

بالحيا بعد الراجل ماي موت ، وانت قادر على كل شيء .. غير الترتيب (يضحك في مرارة) ونور هتنام في الحفرة وتقول لك : فيه حاجة تاني يا حبيبي أقدر أعملها (غاضبا) ويمكن تستاهل ، كل انسان يفرط في الحاجة اللي مش مفروض يفرط فيها يستاهل يندفن بالحيا ، وانت أولهم .

حازم : أنت بتقتلني ياسامى . انت مش فاهم حاجة أبدا ، نور مش متخسر حاجة ، وأنا متخسر كل حاجة .. اسمي سمعتي ، صورتى عند الناس ، كل اللي عشت أحافظ عليه .

سامى : دى عملية قتل يا حازم ، قتل مع سبق الإصرار والترصد . انت مدرك كده ولا لا ؟

حازم : (مقاطعا في نهائية) انتهينا ياسامى .

سامى : والمسألة وهم فى وهم وكل واحد بره يعرف اللي انت خايف منه ، يعرف ان نور تحت وان نور مرات حازم ، يعرف الحقيقة .

حازم : (دون أن يهتز) ماحدش حايعرف الحقيقة .

سامى : مسير اللي مايعرفش يعرف ، بعد ما تموت .

حازم : (يتقسم في احتقار) وتهمهم فى ايه الحقيقة اذا كنت مش مسيب ميراث ورايا ؟ الحقيقة من أجل الحقيقة ماتهمش إلا المغفلين اللي زيك ياسامى .

سامى : (فى استعطاف) كلمة واحدة يا حازم ترد لنور اعتبارها ، تحفظ لها حياتها :

حازم : بلغ نور .. دى الكلمة اللي ماقدش أقولها .. (يغمض عينيه ويبدو عليه القباعد وكأنه لم يعد موجودا : سامى يبدو لحظبة وكأنه على وشك

الانقضاض على أخيه ثم يهز رأسه وكأنه يفتيق من
الحلم ويندفع الى الباب هاربا يقرعه من خلفه •
تقف سنية وعزيز وفاطمة في توجس وسامى يتقدم
بواجه زبيدة) •

زبيدة : ابعد عن سكتى •

سامى : (يفسح الطريق) ومين يقدر يقف فى سكتك انت ؟!
(تبجلق المجموعة حول سامى فى انتظار
الخباز فيما عدا صفاء • أصوات
مختلطة : الحقيقة • عايزين نعرف الحقيقة •
وتدخل زبيدة الى حجرة المريض وتغلق
الباب خلفها) •

سامى : (فى سخرية مرة) وتهكم فى ايه الحقيقة مادام
مافضلش حاجة تنهبوها ، الحقيقة قتلنوها من زمان
ياشحاتين (يضحك وهو يستبعد كلام حازم) طول
ما الأرض وما عليها لزبيدة الحقيقة ماتهمش
الا المغفلين •

ستار

الفصل الثانى

المنظر الأول : فى بيت نور •

الزمن : بعد ما يقارب الساعة من انتهاء أحداث
الفصل الأول •

المنظر الثانى :

فى مشهدين :

المشهد الأول : فى حجرة الاستقبال بالمستشفى •

الزمن : بعد نصف ساعة من أحداث المنظر الأول •

المشهد الثانى : على المستويين ، حجرة الاستقبال وحجرة المريض
بالمستشفى •

الزمن : بعد دقائق من انتهاء أحداث المشهد الأول •

« حجرة معيشة بسيطة واثيقة وعصرية تتناثر فيها قطع الأثاث الصغيرة الحجم بألوانها الحية ، تحاول أن تعطي شعورا بالاتساع والبهجة والراحة ، ولكن هذا الشعور لا يتحقق ، إذ يمزج المكتبة التي تملئها على المكان أعمدة حديدية سوداء وبيانو مغطى بغطاء أبيض مترب • فى منتصف المسرح على اليسار فتحة (arch) تؤدى الى حجرة لا نرى منها الا ما يوحى بوجودها • الى جانب الفتحة فى مؤخرة المسرح بيانو وقد تهدل جانب من غطاءه الأبيض • غطاء الجهاز مفتوح • فى الجانب الآخر من الفتحة وفى مقدمة المسرح (سكرتيرية) وأمامها مقعد صغير • فوق السكرتيرية كتاب مفتوح • فى مواجهة الفتحة باب شرفه فى منتصف يمين المسرح ، باب الشرفة مفتوح على اتساعه والشمس تندفق فى الحجرة مع منظر الأشجار الخضراء فى الخارج • أمام الشرفة وفى تجاهل لوجودها آلة تليفون على مائدة صغيرة تتوسط مقعدين يلتحق بواحد منهما مقعد مربع (بوف) يجعله يبدو كالمشيزلونج • فى مقدمة المسرح مقعدان مربعان من نفس النوع وأكثر انخفاضا تفصلهما طقطوقة سجائر تواجههما فى منتصف المسرح من الداخل أريكة ضخمة مودرن • الأريكة تتجاهل الفاصل الذى يفصل بين حجرة المعيشة والطريقة التي تؤدى الى مدخل البيت ، وخلف الأريكة مرآة صغيرة • الفاصل عبارة عن نصف حائط مفرغ مبطن بالخشب ويقسم الى أرفف تستخدم كمكتبة • الأعمدة سوداء من النوع الذى يستخدم كديكور وكوسيلة من وسائل الإضاءة بترتيب بشكل متواز ما بين السقف والفاصل • الأعمدة التى تظل الأريكة وحجرة المعيشة بأكملها غير مضيئة الآن » •

(المسرح خال عندما يفتح الستار يسود الصمت لحظة ثم يبدأ التليفون في الرنين ، يندفع الباب الخارجي مفتوحا وتدخل نور تجرى لامثة تلتقط سماعة التليفون • يتبع نور في الدخول سامي) •

نور : المر •• المر •• المر •• (تضع نور السماعة على طرف المائدة وتنهال جالسة على المقعد الممتد وتدفن وجهها بين يديها وهي تواجه الجمهور •)

(يتقدم سامي الى داخل المسرح ، يتفقد يرقب نور لحظة ، يعيد سماعة التليفون الى مكانها ، تفيق نور على الصوت المعدني الحاد ، تنظر الى سامي لحظة كأنها نسيت وجوده •)

(بصوت خافت) ماحدش بيرد ، التليفون كان من حازم • ضروري من حازم • ضروري يتكلم ، أنا جيت هنا عشان يتكلم (تربت على سماعة التليفون • تترك السماعة وتبدأ تعبت بالسلسلة الذهبية التي تحيط عنقها ، ويالتدريج تلفها حول رقبته وكتفيها تخنق نفسها مع نهاية الكلام في هذا الجزء) ولا بيتكلمش ولأمتي مخطب في حيطه مسدوده بعد حيطه مسدوده ؟ لأمتي هفضل محبوسه بين أربع حيطان خرس ؟ (تسقط يدها عن السلسلة تصطع المسرح وتخطب نفسها أكثر مما تخطب سامي) الواحد لما يبرزق يبخرف لا •• ماحصلش • حياتي ماضاعتش ، في حياتي لحظات تساوي العمر كله • وعلى اللحظات دي عشت ، وعلى اللحظات دي مموت (تنفضي مخاطبة سامي الذي كادت تنسى

وجوده) انت قلت ان حازم ميتكلم .. انت اللي
جيتنى هنا .

سامي : وبعدين يانور ؟ انت لما عرفت ان دى رغبة حازم
جيت برجليك .

نور : انا اسفة يا سامي .. انت عارف النهارده
(تمشى فى الحجرة تتوقف عند البيانو ، مريل
يانفاسها موجة من القراب . تستدير وتقفند الى
البيانو بظهرها) انا (تصدر من البيانو اصوات
عالية جوفاء تضيع معها كلمه انا التى ترددها وهى
تبتعد عن البيانو مرعوبة) انا النهارده مش انا
(تستند بظهرها الى الأعمدة الحديدية)
الصبح لما اتكلمت انت فى التليفون وقلت الحالة
خطره .. اتسمرت على الكرسي ده (تشير الى
المقعد الذى يجلس عليه سامي) وقعدت أستنى ،
عايزه اتصل بحازم ، أشوفه ، أجيب له كل دكااتره
البلد ، وعلى الكرسي مستنية زى المشلوله ، مخنوقه
بحبى ، بقلقى ، بخوفى : وفجأة جت لى فكرة
خلتني انط من الكرسي كان تعبانا اتلف على .
اتهيأ لى ان عمري كله اتركز فى اللحظة دى ...
لا كنت يوم عييله بتحبنى وتعافر عشان تقوم على
رجليها ، ولا صبيه بتسابق الريح وشعرها بيلهو
وراها ، ولا شابها راسها فى السما وفى قلبها فرحة
الدنيا ... على الكرسي ده اتولدت وهموت
مشلوله . نطيت من الكرسي رحت على الفرانده
.. انى أقدر اتنفس ، أقدر أطلع الفكرة من دماغى
ماقيش فايده ، جريت على البيانو قلت يمكن ،

فتحت الغطا اللى ما بيتفتحش وقعدت اضرب
 أقول أنا نور اللى كانت مع النعمة تتحول لنفمه
 تحول الناس لنعمة • أنا وانت اتربينا سوا
 والبيانو يصرخ فى وشى ماعرفكيش •• ايديك
 ناشفه •• ومن البيت جريت ، وطول ما أنا باجرى
 نسيت الست التى اتولدت على الكرسى مستنية ،
 لغاية ما وققت على باب المستشفى مخنوقة بحبى
 بقلة حيلتى ، والباب مفتوح ومش مفتوح •

سامى : هدى نفسك يا نور •• أنا عندى موضوع عايز
 اكلمك فيه (يسحبها وهى مستسلمة الى المقعد الذى
 كان يجلس عليه) •

نور : (فى رعب) لا مش فى الكرسى ده •
 سامى : (يوجهها الى الأريكة ويجلس الى جانبيها وهى
 تستجمع أنفاسها) انت ابتديتى تفهمى الموقف على
 حقيقته يا نور ودا هيسهل لى مأموريتى • لأول
 مره بتواجهى الحقيقة •

نور : (تمسح بيدها على طرف الأريكة وتكلم نفسها فى
 محاولة لإقناع ذاتها) فى حياتى حاجات تستامل
 انى ابيع الدنيا وعلى الكرسى ده أسنتنى •
 (تقوم واقفة تولى سامى ظهرها وهى تتقدم الى
 مقدمة المسرح) انت مش متفهم يا سامى ، ماحدش
 يقدر يفهم اللى كان يوم بينى وبين حازم •
 (رافعة الرأس فى نشوة) المستحيل مع حازم حقيقته
 بقيت أنا وحازم انسان واحد ، مع حازم وحدتى
 انكسرت ، من أسر الجسد تحررت ، من السجن اللى
 اتولدتنا فيه هربت ، بقيت أنا وحازم حاجة واحدة •

عرفت مع حازم كل اللي كان نفسى أعرفه ، وفهمت كل اللي كان نفسى أفهمه . (لحظة صمت تجلس اثراها على مقعد من المقاعد الصغيرة التي تواجه الجمهور) الناس بتتولد مرة واحدة وأنا مع حازم اتولدت بدل المرة فيه ، مع كل كلمة حلوة مع كل ضحكة مع كل نظرة (تلتفت حواليلها كأنها تبحث عن شيء ضاع منها) الجدران لسه بتتردد كلامنا ، ضحكنا ، غنوتى وأنا على ايدين حازم يتولد . (تميل الى الأمام وهي تقتصت) الصوت وطى ، كل يرم عن يوم بيوطى (تقفز فى حاله دفاع عن النفس) . تكتن أقدر أسمعه (تقع عيناها على آلة التليفون وفى ثورة تقول) والتليفون ماينطلقش ماينطلقش .

سامى : فوقى يانور فوقى دا كان زمان من عشرين سنة ، ولا حدش يقدر يعيد الزمن ، مستحيل .

نور : (تواجه سامى فى هدوء) اللي بيحب مايعرفش المستحيل ياسامى . الماضى لايمكن يموت ، ضرورى فضلت ومضة ، لو قعدت انفخ فيها يمكن .

سامى : (مشيحا بوجهه عنها) وضيعت حياتك وانت فى التراب بتنفضى .

نور : خيائى ماضعتش ، وماكنتش أقدر اعمل غير اللي عملته .

سامى : كنت تقدرى يانور تصمعى غلى حقه الطبيعى فى انك تعيش نفسك اسمك ذكرك ، فكلك ، تعيش نفسك والدنيا والناس . نور اللي كانت بتاخذ من الدنيا وتديها ، اللي كل احساسات الدنيا بتتجمع فى ايديها . انت اللي اخترت يانور . قفلت الباب

على روحك وفى وش الدنيا •

نور : انت مش قاهم حاجة ، الست اللى بتحب ما تقدرش
تختار ، يوم بعد يوم بتضيع فى الانسان اللى
بتخبه ، يوم بعد يوم يتبقى هو ، سوا أحيائها سوا
موتها ، ما تقدرش تختار .. مالهاش وجود غير
وجوده ، زى ظله ضرورى تفضل تجرى وراء •
عارف زى ايه ياسامى ؟ زى الواحد مايكون متعلق
فى الهوا ومطبق ايديه على حامل : جسمه بيتنقح
عليه ، نفسه يتمدد ، يرتاح ، ولا يقدرش ، لو ساب
ايديه هيقع من السما على الأرض حقت •

سامى : ويتسمى دا حب يانور ؟

نور : حازم ماتكلمش ولأمتى هستنى ؟

سامى : دا مش حب يانور ، دا ضياع ، دا انتحار •

نور : (قواجهه شامخة) دا حبي ياسامى •

سامى : فوقى يانور ، انا من الصبح عايز أقول لك ..

نور : (مقاطعة) عارفه هتقول انى باتجاهل الواقع ،
ان زبيدة طول عمرها موجدودة وكان مافيش حد
غيرها موجود (تصطنع المرح) ويعنى ايه ؟ زبيدة
موجدودة ومش موجدودة ، موجدودة بالاسم وايه يهم
الاسم !؟

سامى : يهم كثير يانور وانت عارفه ؟

نور : (وهى الآن لاثستمع الى سامى ، تكلم ضحكة)

وكانها طفلة تتأمر) ياما ضحكنا أنا وحازم على زبيدة . حازم يقولها مايفطرش وهو كل يوم يفطر معايا ، أصحى من الفجر أحضر كل حاجة ، لقمة القاضى بعسل ثقيل ، والبيض مسلوق نص سلق . وقبل الساعة ثمانية أدخل السرير وأعمل نفسى نايمة . يدخل حازم من بره على طراطيف صوايحه ، يغير ويلبس البيجامة ، ويندس تحت الغطا جنبى بشويش ، ويتصور وأتصور انه كان بايت معايا ، وبعد شويه يصحبنى ، يمسح بظهر ايده على خده ويميل بيوس عينى الشمال وبعدين عينى اليمين . وأتمطع وأنا بفتح عنه وأبص له وأقول : صباح الخير يا حبيبى ، يقول أنا كل اللى أتمناه من الدنيا اتحقق ، كل حياتى هى اللحظة اللى أفتح فيها عينى على الوش الحلو ده . انت ما تعرفيش أنا بحببت قد ايه يا حبيبتى . انت أنا ، انت نصى الحلو اللى ما توسخش . ونقوم نحضر مع بعض الفطار اللى أنا محضراه من الفجر ، وحازم يقول هى الفطيرة مش متستوى بقى ؟ والفطيرة من الصبح مستوية ، وعلى الطرابيزة نقعد يحكى لى وأحكى له حلمنا ايه وأحنا نايمين طول الليل جنب بعض . . (ينهار صوتها قليلا) وقاتت الأيام . . .

سامى : ودفنت نفسك بالحيا لا اسم ولا ذكر ولا هوية .
 نور : (تحدثت نفسها ولا تستمع لسامى) وبقي معايا ومش معايا ، وابتدى الواقع يخنقنى ، ابتديت أشعر بوجود زبيدة وجود الناس ، ابتديت أقول أنا مين ؟ وأنا بعمل ايه هنا ؟! وكل يوم الساعة ثمانية الصبح حازم يفتح الباب ، يلغأنى على طرابيزة

القطار مستتية يتكلم وسمع ، يقول ما بيتكلميش ،
اتكلم كلامه هو مش كلامي ، يقول ما بتهتميش وينام
هو الليل واصحى انا بهوممه ، وانا مركب شراعتها
حب وحمولتها هم ، وكل يوم عن يوم الحمولة بتزيد
(تتظر الى آلة التليفون) ولا بيتكلمش ، ماييتكلمش !

سامي : واللعبة. انتهت امتي يانور ؟ لما حازم طلقك ؟
(تستدير استدارة عنيفة) انت بتقول ايه ؟ لما حازم
ايه ؟

سامي : طلقك .

نور : طلقني ؟ .. طلقني انا ؟

سامي : انا آسف يمكن اكون غلطان .. اللي انا فاهمه انه
طلقك ورجع اتجوزك في السر تاني .

نور : وامتى حصل الكلام ده ؟

سامي : اظن انت عارفه . بعد سبتين من جوازك لما زييده
عرفت بالخبر .

نور : حازم عمره ما طلقني ولا فكر يطلقني . انت فاكر
ايه ؟ انا الحقيقة في حياة حازم والباقي زایل .

سامي : يجوز .

نور : (في انفعال) يجوز ايه ؟!

سامي : يجوز اني غلطان .

نور : (تفتح الحلية الموجودة في السلسلة الذهبية وتخرج
منها ورقة مطوية) اتفضل .

سامي : (وهو يتناول الورقة) ايه دي ؟

نور : وثيقة جوازى بحازم . راجع تاريخ الجواز . طبعاً عارفه ؟!

(سامى يتطلع الى الورقة متحيراً ولا تلبث الورقة أن تسقط من بين يديه)

نور : عرفت انك بتخرف ؟ حازم اتجوزنى مرة مافيش غيرها ، جوازه العمر كله .

سامى : (سامى يدارى ارتباكاه وهو يميل يلتقط الورقة من الأرض ، يظل مائلاً نحو الأرض برهة ثم يتنفض واقفاً ويندفع الى المكتب الصغير الموجود فى الحجرة . يخرج أوراق التنازل من جيبه ويقول فى لهفه وفى لهجة أمرة) نور تعالى هنا امضى على الورق ده .

نور : ورق ايه ؟

سامى : مخالصة .

نور : (فى مرارة) مخالصة ؟!

سامى : حازم بينقل باسمك فى البنك ما قيمته ميت ألف جنيه . . امضى .

نور : (تسقط القلم) أنا ضرورى أشوف حازم ياسامى قبل (تلبع ريقها) مايفوت الأوان . دى اللحظة اللى ما يستغناش فيها عنى ، اللى ضرورى أكون فيها جنبه .

سامى : (متفعلاً) كفاية . . كفاية .

(نور تضع الأوراق فى حقيبتها وتتجه نحو الباب)

سامي : نور .. انت رايعه فين ؟

نور : المستشفى .

سامي : (يستوقفها وهي تبدأ في ارتداء معطفها) نور ..
حازم يقول لك انه يبحبك وعمره ما حب غيرك
(تستدير في بطء وهي تحتضن معطفها بين يديها
والدموع تلمع في عينيها) وبيقول لك (لا يستطيع
ان يكمل) .

نور : (في تجلد وهي ما زالت تحتضن المعطف) ايه ؟

سامي : ان الظروف اقوى منه ... وان نفسه يشوفك
(يتلع ريقه بصعوبة) ومش حايقدر يشوفك .

نور : (تتأمل المعطف وكأنها قراه لأول مرة ، وتتحسس
بيدها . ترفع راسها فجأة) مستحيل .. ما فيش
النهارده قوه في الأرض تمنعني عنه .

سامي : افرضي حازم عاش .. افرضي زييدة شافتك .

(نور تتسمر في مكانها وهي تشد السلسلة
حول رقبتها بشكل يهدد بالخطورة)

سامي : (يبعد يدها عن السلسلة) كفاية .. على الخوف

عائشة وعلى الخوف متموتى .

نور : .. حاستنى فرصتى .. اللحظة دى لحظتى .

سامي : متندى يانور ، ماتلبنى اللحظة اللى رحت فيها
المستشفى .

نور : (تستدير في بطاء وتواجهه) حازم جرى له حاجة
ياسامي ؟!

سامي : (يهن رأسه باللفظي) أنا كنت مصمم ماتكلمش
ولكن ضروري أتكلم (مدفعا) حازم مش عايز حد
يعرف أنك مراته .

نور : (نغمض عينيها) طول ما هو عايش .. طيب ما أنا
عارفه .

سامي : (وهو يضع يده على كتفها) وبعد مايموت يانور
.. طول ما أنت عايشه .

نور : (تتمتم وهي لا تعي معنى ما يقول) وبعد ما يموت
.. ما حدش أبدا يعرف ؟ ! (قيدا في السير غائبة
عن الوعي بلا هدف حول الحجرة ، تتوقف عند
البياض ، تقفل غطاءه في حرص شديد حتى لا يصدر
صوتا ، تعدل من وضع المفروش وتراجع الى الخلف
وهي تفحصه والعملية تستوعب اهتمامها وفي صوت
بارد وبلا تعبير) ابقى فكرنى اغير المفرش ده ،
أجيب حاجة بكرة زاهيه ومنوره ، شكله وحش ،
عامل زى النعش . (تنتفض فجأة وهي تستعيد
وعياها وتنتفض على سامي وهي تهزه) انت كذاب
كذاب ، قول أنك كذاب (تسقط ذراعيها فجأة وهي
تراجع الى الخلف) ليه ياسامي عايز تقبرنى وأنا
عايشه ؟ ليه عايز تلفنى وجودى ؟ هم معلش ، لكن
انت ؟!

سامي : (يضع يده على ذراعيها) نور .. حازم بيقول فيه
اعتبارات اقوى منه .

نور : (تنفر من لسته) حازم لا يمكن يقول كده .. حازم

طول عمره خايف ، لكن قدام الموت هيخاف من ايه ؟ من مين ؟ قدام الموت ماقيش الا انا وهو وانا الحقيقة فى حياة حازم • انت انا ، كان دايما يقول لى •

سامى : (يهزها) فوقى يانور •• الحقيقة ••

نور : (مقاطعة فى جنون) انا •• انا

سامى : الحقيقة ان حازم ملك زبيدة ، فى الحيا والموت ملك زبيدة •

نور : (تتخلص من قبضته فى جنون) كلكم عايزين تقتلونى تقبرونى وانت كمان ياسامى !؟ وانت كمان !؟
(تنفلت وهى تجرى نحو الباب)

سامى : حاتندى يا نور •

نور : كداب

سامى : حاتندى

كداب •• كداب (تغلق الباب فى وجهه وهو يلاحقها)

سامى : (يستند الى الباب متهالكا وهو يردد بصوت يختلط بنبهة البكاء بلا بكاء) حاتندى ، حاتندى يا نور •

ستار

(نفس المجموعة الموجودة سابقا باستثناء صفاء وعزيز في نفس
حجرة الاستقبال بالمستشفى ٠٠ ايقسام تلتزم مكانها الى جانب النافذة
وقاطمة وسنية في حالة انتظار وتوتر ٠ يسرى منعزل عن المجموعة)
سنية : (وهى تتمشى جيئة ونهايا تدق يدا بيد فى عصبية)
عزیز اتأخر ٠

إيتسام : نور رجعت لواحدھا من غير سامى ٠

سنية : (تتوقف عن المشى وهى تلتقى خبر رجوع نور)
نور رجعت ٠٠ عال ٠ مين عارف ؟ يمكن نحتاج
لھا ، بس عزيز يرجع من الشهر العقارى ٠

فاطمة : يارب تعمى عينهم مايشوفوا العقد ، يارب تشل
ايديهم مايرعوا يهتموه ، يارب ينصرنا عليك يا زبيدة
يابنت شافية ٠

يسرى : ياخوانا انا قلت المسألة انتهت خلاص ، اذا كان
فيه عقد زى ما بتقولوا ضروري ايسجل وانتهينا
سنية : تزامننى على ان التسجيل مايتوش ؟

يسرى : ونفرض ان التسجيل يتأجل ليكرو هتعملوا عليه
يعنى ؟

فاطمة : الا لفضل ايه ؟ لكان احطه تسوى الهزايل ٠

سنية : والله والله لو وصلت الحكاية انى أحرقها واقف

على تلها لأحرقها • وأهى نور تحت • وهطريقها

على دماغ زبيدة سوا العقد اتمضى ولا ماتمضاش •

إيتسام : ابعدوا عن نور • ابعدوا عن نور خالص •

يسرى : مش جايئ سامى بيضحك علينا ؟!

فاطمة : انت يا ابنى أعمى مابتشوقش ولا يتلعب علينا انت

راخر لعبه تانية ؟

يسرى : (فى سخوية) ليه حازم باع لى ايه أنا كمان ؟

سنية : هو ضرورى يبيع لك ياسى يسرى ؟ انت مش شريكه

هتلهف المكتب من بعده ، أكبر مكتب مقاولات فى

البلد ، زياين واسم وسنعه ، أكبر من نصيبك فى

الميراث ميت مرة •

فاطمة : بقى الحكاية كده وأنا قاعده من الصبح مش فاهمه ،

طيب حكايتك وفهمناها ياسى يسرى ، وانت ياسست

إيتسام حكايتك ايه ؟! من الصبح عارفه وعامله نقبىك

مش عارفه •• زبيدة ويتكرهها كره العمى ، يبقى

ايه اللى ملجكم التلجيمه دي ؟

إيتسيام : (متفجرة) اخويا •• اخويا جازم ••

سنية : (لفاطمة) جالك كلامى واللى يفتح السنطة يلاقى

اللعنام •

فاطمة : لعنام ايه ياستنية ؟

سنية : هو انت متفضلى طول عمرك مبله ؟!

إيتسام : أنا مكسوفة لأنى منكم (تخاطب يسرى) الصبح
 وخطيبك هنا يايسرى كنت حاسه انها بتعرينا ،
 وحطيت نفسى مطرحها ولأول مرة شفتكم كائن واحد
 غريبة بتقرج عليكم ، ولو كنت مطرحها كنت خرجت
 ولا رجعتش • الحقها يا يسرى ! هتضيع منك •

يسرى : صفاء خرجت تتغدى وراجعها يا ابتسام ، يادوب قدرت
 أصلح اللي حصل الصبح •

فاطمة : والله البت دى ما هى نازله لى من زور • وقال ست
 ابتسام خايقة عليها لتضيع •

يسرى : أنا قلت ...

سنية : (مقاطعة) دا حتى البنيت دى لا من وأمنا ولا من
 توينا •

يسرى : كفايه • كفاية اللي اتعمل الصبح ، أنا لا أسمع
 لحد يتكلم عن صفاء • صفاء دى (لا يكمل)

فاطمة : (مقاطعة) شحاتة ومستقوية •

إيتسام : يعنى ضرورى طول ما أخنا قاعدين ناكل فى بعض
 كده ؟

سنية : لغاية ماتخلص علينا زبيدة ، وعزيز لا حس ولا خبر •

فاطمة : يامصبيتى هى حاتطريق علينا من كل حته ؟

سنية : طريق على أنا ؟ سنية ؟! وشرفك لأطلع بدل الحل
 ميه •

إيتسام : وجيب الحاوى مايخلاش • ونور على كل حال تحت
 مستقوية •

(يدخل عزيز لاهثا وهو يستجمع أنفاسه ،
يتجمعون حوله متسائلين)

عزيز : العقد ماتسجلش • مالحقوش قسم التسجيل ،
بكره •

(لحظة صمت تسود الموجودين على المسرح
بلا استثناء ، والكل يعبر عن ارتياحه
بطريقته الخاصة • صوت تنفس الجميع
يكاد يكون مسموعا لحظة استيعاب الخبر •
عزيز يتهالك جالسا على أقرب مقعد •
سنية تتمشى جيئة وذهابا مستغرقة في
تفكير عميق)

فاطمة : (تنهار في مقعدها) ياكريم يارب ، يارب تنصرتنا
ولا تشمت العدوين فينا •

(تخرج زبيدة من غرفة المريض في نفس
اللحظة التي تصل فيها فاطمة الى آخر
كلامها ، سنية تستدير أستدارة سريعة
تواجه زبيدة ، زبيدة تنظر اليها في خوف
مبغوطة وكأنها ظلمت متلبسة • يتطلع اليها
يسرى متسائلا وتقرب منها ابتسام
متوجسة)

ابتسام : (في ملع) جازم ؟

يسرى : طمئينا • انه أخيار (أخويل) ؟

زبيدة : أمال أنا جايه ليه ؟ عشان اطمنكم ، الدكتور اتكلم
هلوقت وبعد ما عطيت له المبرضة كل التفاصيل اللي
طلبها مسكت أنا السماعه ، رولت له قول لى يادكتور

بصرحة قال : انت عارفة يازبيدة هانم مكانتك
عندى ..

إيتسام : (مقاطعة) فى عرضك طمئينا .

يسرى : الحالة ايه ؟

زبيدة : (مكمل كلامها ومتجاهلة كل من إيتسام ويسرى)
قلت له يادكتور أنا مش عايزه الا الحقيقة . دا أنا
صحيح ربنا مايوريك حالى ، لكن أحب أعرف راسي
من رجلى عشان أدبر أمورى ، ضحك .. ضحك
وقال ...

إيتسام : (مقاطعة) عرفنا انه ضحك ، ويعدين ؟

زبيدة : ضحك وقال لى : حطى فى بطنك بطيخة صيفى .

إيتسام : (فى انزعاج وهى تدرك أن موت حازم فى صالح
زبيدة) يعنى ايه ؟

سنية : (وهى تدرك أن حياة حازم تعطل خططها بصوت
متوجس) يعنى ايه ؟ حايف ؟ حايقوم ؟

زبيدة : قلت له يعنى ايه ؟ قال لى معدل النزيف نزل وإذا كان
الأمم الصبح عشرة فى المائة يبقى دلوقت سبعين فى
المائة .

إيتسام : ألف حمد لله .

يسرى : مادام حصل تقدم يبقى الواحد يطمئن .

سنية : (تقول يدا على يدي بلا صوت فى ارتباك)
سبعين فى المائة ؟

زبيدة : قلت له اسمع يا دكتور فهمي انا عايزه أرمى على
بر . .

سنية : ضروري نرسي على بر .

زبيدة : أنا عايزه كلمة واحدة مافيش غيرها لا كده . .
لا كده ؟

سنية : (تردد بلا وعي) لا كده . . لا كده .

زبيدة : قال لي يا زبيدة هانم بعد ساعتين اتنين مافيش غيرهم
مطمنك .

سنية : يعني أخوات حازم يقدرُوا يشوقوه دلوقت !؟

زبيدة : (وهي تعدل عن ثبتها في الجلوس) شوقوا عقلي . .
نسيت أقول لكم . . الدكتور قال ممنوع الزيارة ، أهم
حاجة الراحة .

فاطمة : أنا يا ختي مبدخل على طرايط صوابي وأقعد
! مطرح ما كنت انت قاعده . .

زبيدة : (وهي تتراجع وتطلق الباب خلفها) لا يا ختي . .
بقيتي يعني حازم ما يستغناش عني .

سنية : (وهي تدق مائدة الوسط في عصبية) المسألة
اتعمقت .

ينسام : (في سخرية) وايه اللي عقد المسألة ؟

(سنية تجرى الى النافذة ، تنظّر عملها وتعود وهي
تتهجد بارتياح) .

إبتسام : الصبح المسألة كانت محلولة عشان حازم يموت ،
ودلوقت اتعقدت عشان حازم ميعيش ؟

سنية : لكل عقدة حلال .

عزيز : انت قطعاً ما فهمتيش يا إبتسام . لا يمكن يكون ده
قصداً سنية .

سنية : لا ياسى عزيز . دا قضدى بالظبط ، حياة حازم عقدت
المسألة فعلاً . ويقول كده لأنى عارفاكم واحد واحد
مش لأنى عايزه حازم يموت . الصبح لما عرفنا
انه ساب كل حاجة لزييدة اتفقنا على ايه ؟

عزيز : اتنا نواجهه .

سنية : عال . ومين اللى هيواجه حازم ؟ أصحاب الحق
طبعاً أخواته ، (فى مرج مصطنع وكأنها تلعب لعبة)
مين من أخواته ؟ إبتسام ؟ الست مستغنية ولا لهاش
فى اللعبة دى . يسرى ؟! الراجل مالوش صالغ
ومايبديش أنه يقدر يواجه . يبقى هافيش
الا فاطمة وعزيز . الصبح لما كفاء متاكدين ان حازم
ميموت ، فاطمة قالت متسوى الهوايل وعزيز قال
انه مستعد يواجه الجن الأحمر . (عزيز وسنية)
ودلوقت مين فيكم هيواجه حازم الأول ؟

(فاطمة وعزيز يلتزمان الصمت)

سنية : (بإشارة مسرحية مفتعلة) شايفين ؟ كل واحد حازم
يقدم التانى . زى التزام اللى ماترا فى بطن امهم من
كثر الأسب .

يسرى : وايه ألفايدة بس ياسنية هانم ؟ افرضى حازم رقص

يبقى ايه القايذة ١٩

ونختصر ايه ١٩

سنية

قاطمة : كثير ...

سنية : لو حازم عاش ، عليك نور • منحسر رضا السلطان

ومع رضا السلطان رضا السلطانة واقساط العربية

مش متندق ولا العروسة متتجهز ولا المهر هيندفع

(تلقت الى عزيز وقد تغيرت ثيرتها الى صرامة تتسم

بالاحقار) شفت ياسى عزيز ازاي موت حازم من

عدمه قلب الخال ؟ والحل اللى كان ينفع الصبح

ماعدش دلوقت ينفع (لحظة صمت تتكلم اثرها فى

زعامة والموقف كله قد اصبغ فى يديها) ودلوقت

مافيش قدامنا غير حل واحد •

ايتسام : ابعدى عن نور • حرام عليك •

يسرى : نور !؟ ونور دخلها ايه ؟

سنية : (وهى تتقدم الى المجموعة مقتمرة) ايوه مافيش غير

نور •

عزيز : ومتعمل ايه نور ؟

سنية : متشيل الجملة الى انتم مش قادرين تشيلوه •

يسرى : (وهى تبتعد بالجنون بالانوار ياسنية هانم •

سنية : (مخروقة بحزن) يا سنى يسرى • قاطمة ، لو نور هتلقاه

من مكان غامض فى الارض واللى عليها لزييدة

متسكت ١٩

قاطمة : (تبتعد) لا متقيم الدنيا وتعيدنها •

- سنیة : بص ٠٠ آدی الی احنا عایزینہ ٠
- یسری : عایزین ایه بس ؟! نولع حریقہ ونقف نتفرج علیہا ؟!
- سنیة : بیتاع ایه اُحرقہا مادام العقد لسه ماتمضاش ، انا دلوقت بقتش علی حل (لحظة صمت) عزیز ٠٠٠ نور لو عُرفتِ الحکایة متعمل ایه ؟!
- عزیز : حاتتدخل عشان تلغی عقد البیع لزییدہ ٠
- فاطمة : متتدخل ازای یاخویا ؟ دی یا حبة عینی مش قادرة حتی تهوب من الباب ٠
- سنیة : ویسبة ایه تقف علی الباب ؟ می مش مرات حازم ولا مش مزاته ؟!
- ایتسام : (تمسک بید سنیة) انت عایزه تعملى ایه بس ؟
- سنیة : اللى یرضی رینا ٠٠ فى شرع مین نحرم ست من جوزها ؟!
- ایتسام : وعرفنا رینا ٠
- فاطمة : (تولول وهی تجفف دموعا لا وجود لها) واقفه یا حبة عینی من الصبح تلف وتدور ، روحها بتفهف علی حازم ٠٠ نفسها تشوفه ٠
- ایتسام : والحنیه دی کانت فین من الصبح ؟ ثم مش جایز نور تلطف الأرض وتسیننا علی البلاطة ؟!
- فاطمة : یامصیبتی عملها صحیح ٠
- سنیة : ماتبقیش مبله یا فاطمة (لحظة صمت) ایتسام تور لو شافت حازم متعمل ایه ؟

- إيتسام** : متلف الكحل من العين ودى عايزه سؤال ١٩
- سنية** : أنا مابهزرش يا ابتسام جاوبى على السؤال ؟
- إيتسام** : أنا بره اللعبيه دى .
- سنية** : يسرى .. تور متعمل ايه ؟
- يسرى** : (وهو يحاول أن يكسب وقتا) فى ايه ١٩
- سنية** : انت عارف كويس . نور متسيب كل واحد نصيبه
ولا متلف الأرض ١٩
- يسرى** : أنا ماعرفش نور كويس ، وبالتالي ماعرفش
متصرف ازاي .
- سنية** : طيب سلمنا وآمنا انك ماتعرفش نور .. وصفاء ١٩
- أظن تعرف صفاء ١٩
- يسرى** : (قافزا من المقعد) وصفاء دخلها ايه فى الموضوع
ده ؟
- سنية** : لو كانت صفاء مطرح نور تتصرف ازاي ؟ تلف
الأرض ولا ..
- يسرى** : (مقاطعا) صفاء ماتلفش حاجة من حد ، صفاء من
نوع ما تقدروش تفهموه .
- سنية** : (تضحك) صفاء ماتلفش .. ونور ياعزيز ١٩
- عزيز** : اذا كانت نور زى زمان بيقى مافيش خوف ، كل
واحد مياخذ نصيبه

سنية : جالمكم كلامى ؟ نور مضمونه .. نور من السمك الصغير الى اتخلق عشان السمك الكبير ياكله .. نور زى صفاء وسامى من النور الى يلعب دور الشجيع وبيات جعيان .. ماتخافوش ، نور مضمونه *

يسرى : على العموم المناقشة دى لا تودى ولا تجيب *

إيتسام : (تتقدم الى داخل المسرح) عايزه أقول لكم حاجة ، يمكن تعتقروا لوجه الله : اتروا شوية *

سنية : قصدك ايه ؟

إيتسام : نفرض أن نور عرفت

سنية : بسيطة

إيتسام : ونفرض انها دخلت على حازم *

يسرى : مستحيل ، ماهودا الى أنا عايز أقوله من الصبح *

سنية : سيبوا الحكاية دى على *

إيتسام : ونفرض انها طلبت من حازم يرجع فى كلامه ويستيب كل واحد ياخذ نصيبه ؟

عزيز : نبقى وصلنا الى احنا عايزينه

سنية : (فى سخريه) عايزه تقولى ان حازم مش هيسمع كلام نور ؟

فاطمة : ولو حازم ماسمعش كلام نور حايسمع كلام مين ؟

إيتسام : (مخلوقة) زبيدة *

عزيز : ربنا فوق ونور تحت بالنسبة لحازم *

- إيتسام : زبيدة •
- فاطمة : طول عمره بيجبها ويموت فيها •
- إيتسام : زبيدة ، والضرر ما يطلعش من اللحم •
- فاطمة : هو انت يا بنتى علقتى ؟
- إيتسام : دى الحقيقة وان كنتم فاهمين ان نور هى الورقة
الكسبانة تبقوا غلطانين (لحظة صمت) اعتقوما
لوجه الله •
- سقية : (تهنذ ذراع ايتسام) نور قاعده من الصبح مستتية
ايه ؟
- إيتسام : (تننزع ذراعها من قبضة سقية) تشوف حازم
واحسن لها ما تشوقوش •
- سقية : وانت ادرى منها بمصلحتها ؟
- إيتسام : ما عرفش •• اعملوا اللى انتم عايزينه •
- سقية : احنا هنعمل اللى نور عايزاه •• نوصلها لمطرح
ماهى عايزه •
- فاطمة : المهم توصليلها ازاي ؟!
- سقية : انا اللى موصلها •• بايدى دى •
- يسرى : مستحيل •• ازاي ؟!
- سقية : مخرجها •
- فاطمة : نبيون الله •

سنية : نور مين انت راخوه ؟ زبيدة اللي راسخه جوه زى
البلولة •

عزيز : دى ولاونش يجرها •

يسرى : ولو حازم عرف ان احنا عارفين ان نور مراقه ؟

سنية : حازم مش هيعرف اننا نعرف •

عزيز : ولو عرف اننا شفتناها وهى داخله ؟

سنية : مش هنشوفها •

إبتسام : بسيطة هنغمض زى ما طول عمرنا مغمضين
عنينا •

سنية : (فى احتقار) مش نكون هنا لا احنا ولا زبيدة •

عزيز : وازاى بقى متحققى المعجزة دى ؟!

سنية : انا قدها وقود ، بس المهم قبل الشغل مايبتدى اضمن
ان الكل يسمع كلامى •

فاطمة : نسمع ياختى •

سنية : انا قلت الكل •

فاطمة : قاضل مين ابتسام ؟! طيب دى ابتسام قلبها طيب
وتحب نور زى عنينا ، يهون عليها تسميها داخسة
تحت (تنزل دموع ابتسام بلا صوت) ويسرى حبيبي
مايهونش عليه ان حازم يموت قبل ما يبيل ريقه
(يسرى يلتزم الصمت) •

سنية : نبقى انتهيينا ٠٠٠ عزيز انزل جيب نور و ٠٠
يسرى : (مقاطعا في انزعاج) يجيبها فين ؟
سنية : (توصل كلامها الى عزيز) خليها تستنى في
الصالون اللي جنبنا ٠

عزيز : (مقربدا) انت متأكده انك متقدرى تخرجى زبيدة
من المستشفى ؟

سنية : (بنفس اللهجة الامرة كأن اعتراضا لم يثر على
مشروعها) أحكى لنور الحكاية وارجع بسرعة ٠
(اصوات مختلطة متخليها ازاي متخرجيها ازاي ؟)

(تستوقف عزيز) استنى ٠ اخبط الأول على باب
الأودة (مشيرة الى حجرة المريض) وبعد ماتخطب انت
فاطمة متخطب وبعد فاطمة أنا لغاية زبيدة ما تقهم
يصنعة لطافة ان الحكاية انكشفت ، واننا مش
هنسكت (وهى الآن تخاطب نفسها) ومع كل خطبه
قلب زبيدة مينخلع ، وتتمنى لو تخفينا من وش
الدنيا ، ومش هتكن ولا تون الا اذا السكرتير قال لها
العقد اتسجل ، ومش هيقول ٠

(عزيز يقرع الباب وخلفه فاطمة وسنية
متممرتين ، زبيدة تهم فى حركة لا ارادية.
باغلاق الباب ، تعدل عن نيتها وتتقدم
تجاههم)

زبيدة : (وهى تربيع تراعيها حول صدرها) افندم ٠
عزيز : عايز أشوف اخويا (سنية تلكزه بكوعها متبته
ويضيف) فيه موضوع مهم عايز اناقشه معاه ٠

زبيدة : (تتراجع خطوتين وهي تشير بأصابع الاتهام الى ابتسام) انت يا جالبة المصائب .

سنية : (فى قلاعى) مصائب ايه يا ختى بعد الشر ؟ هو احنا برضه اللي بنجلب المصائب ؟

زبيدة : أخوكم نايم .. ماتخرجوا تستريحوا وتبلوا ريقكم على ما يصحى .

سنية : لا وسيدنا النبى ماتيجى أبدا ، نبل ريقنا وريقك ناشف ؟ وده يصح ؟!

زبيدة : (وهى تغلق الباب خلفها) لا هو بالقوة ولا بالقوة ؟

سنية : (تترقص) الشغل حمى .. اجرى يا عزيز مات نور بسرعة ، اتحرك ، الشغل حمى .

فاطمة : هو ايه اللي حمى ؟

سنية : هى مش عايزانا نخرج ناكل .. خلاص ... اخبطى .. هانت (فاطمة مترددة) اتحركى .

(فاطمة تطرق الباب المرة بعد المرة فى اصرار)

سنية : المسألة استوت ، والنبى يا روح امك مانبل ريقنا الا سوا .

(زبيدة تفتح الباب فتحة صغيرة ، فاطمة تحاول أن تقلد داخله من بين ضللتى الباب . زبيدة تدفعها بقوة وتغلق الباب خلفها ، وتتقدم نحو فاطمة التى كادت تقع)

فاطمة : (وقد اعتدلت) يامصبيتي هـى وصلت لغايه كده ،
بقى ياتتهبيننا يا تقصفى رقبتي ، لا هـى الدنيا فوضى
ولا فوضى ؟

زييدة : اللى ميهوب من الباب هقطع رجله •

فاطمة : وفى شرع مين تحرمى واحده من اخوها ؟

سنية : اخوها طالها ، قال لابتسام الساعة اثنين سخللى
فاطمة •

زييدة : (مقوجسة) واشمعنى الساعة اثنين ؟

سنية : حازم رجل مؤمن وعارف ربنا ، ومين عارف عايز
يقول ايه لاخته بعد ماردت فيه الروح وانكتب له عمر
جديد •

زييدة : أحوكمنايم •• قلت لكم أخرجوا بلوا ريقكم ، وبعد
ساعة واحدة ، يكون صحى •

سنية : ودى تيجى يازبيدة هانم تبل ريقنا وريقك ناشف ؟
اذا كان ولايد نبل ريقنا سوا •

زييدة : كده •• طيب حاضر ، وأنا اقدر اتأخر عليكم ؟ دقيقة
واحدة وراجعة (تقفل الباب خلفها) •

سنية : (تضحك فى خلالة) المهم دلوقت تتمنعوا •

فاطمة : يا مصبيتي ما داهية زييدة تقول لحازم وتوبينا فى
داهية •

سنية : (وهى تترقص) تترجى •• وتتمنع •

فاطمة : نتهبب على ايه ؟

سنية : (فى نفس حالة الانتصار التى تشوبها بعض الخلاعة)
زبيدة تقدم خطوة نرجع احنا خطوتين ٠٠ تترجى ٠٠
نسوق عليها الدلال ٠٠ تتدلل (تضحك) نرضى ٠

فاطمة : وبتاع ايه زبيدة هتدلل لنا ؟!

سنية : عشان نخرج معاها ٠٠ لوا حاجتكم ياولاد لوا ٠٠
هنخرج وراها واحدة واحدة ٠ تاتا تاتا خطى العتبه
٠٠٠ تاتا تاتا خطى العتبه ٠

فاطمة : (فى اعجاب) والنبي لو خرجتها لتكون الخرجة ٠
سنية : (لفاطمة) وشرفك ؟خرجها خرجة ولا كل خرجة
٠٠ بس عزيز يوصل الاول ، لو زبيدة خرجت قبل
ما يوصل عزيز الفار ميلعب فى عيها ٠

نور : ليه ؟ ضرورى عزيز ياخذ رأس الخرجه ؟

عزيز : (يدخل متدفعاً ويشير برأسه الى غرفة الاستقبال
المجاورة) نور وصلت ٠

سنية : (فى نشوة متتصرة) بس : بسما ونارها متدخل
(وهى تشير الى حجرة الاستقبال المجاورة)
وبسما ونارها متخرج ، (تتحرك فى اتجاه حجرة
زبيدة) ياللبقى يا زبيدة ٠٠ احنا جعانين ٠٠ اللصة
ناكلها نية (تسحب يد فاطمة فى بطء) آدى البيضة
٠٠ وآدى اللى سلقها ، وآدى اللى اكلها هم هم هم
(لحظة صمت) ياللا زبيدة ٠٠ ياللا يانور ٠٠٠
تاتا تاتا خطى العتبه ٠٠٠ تاتا تاتا خطى العتبه ٠

ستار

(فى المستشفى على المستويين حجرة الاستقبال وحجرة المريض
الزمن بعد دقائق من المشهد السابق تخفت الاضاءة فى الجزء الاول
فى حجرة الاستقبال بينما تتركز فى حجرة حازم . طوال الجزء الاول
من هذا المشهد تلعب السلسلة التى تتحدى بها نور دورا أساسيا فى
التعبير .

نور تدخل غرفة الاستقبال متلصصة . الضوء يتيحها فى العتمة
حيث تسير . نور تتلاقى على شريط الضوء مع صفاء ، تتراجع
خطوتين الى الورا وصفاء تتقدم نحوها خطوتين ، نور تنقلت من
شريط الضوء وتضع فى العتمة وهى تجرى الى غرفة المريض .
صفاء تبقى لحظة فى شريط الضوء فى حجرة الاستقبال . ونحن
نسمع نور تطرق باب المريض خلفها وهى تدخل الحجرة . الضوء
يخفى تماما فى حجرة الاستقبال ويتركز فى حجرة المريض . نور
تجرى الى السرير ، تتأمل حازم وهو مستغرق فى النوم بعينين
خاليتين من التعبير ، وكأنما تراه لأول مرة ، تمد يدها فى محاولة
لايقاظه ، تتراجع يدها الى الخلف فى خوف وتسقط متناقلة الى
جنبها . تدور فى الحجرة تتلمس الأشياء تميل وتعدل من وضع
(شيشب) حازم . تعدل وتلمح الورقة التى تركتها زبيدة خلفها ،
تلتقط الورقة ونغمض عينيها ثم تسقطها . تقرأها وهى موضوعه على
(الكومبينو) . حازم يستيقظ يلمح نور يفرك عينيه وكأنه يستيقظ
من حلم .)

- حازم : انت مين ؟ أنا فين ؟ أنا ضروري بحلم ؟ !
- نور : والحلم أصبح حقيقة يا حبيبي وأنا نور جنبك .
- حازم : (يقفز جالسا في السرير) نور .. شافوكي ؟ !
- نور : (تطوِّقه بذراعيها في محاولة لتهديته) ما حدش شافني أبداً .
- حازم : (يتخلص من ذراعيها) انتهيت ..
- نور : (في غضب) قلت لك خرجوا والورقة امي ، خرجوا يتقدروا
- حازم : (يتمدد على السرير وهو يستوعب الخبر) خرجوا ولا حدش شافك أبداً ؟
- نور : (تدفن رأسها في صدره تلاحظ عينيه المغمضتين وترفع رأسها تدريجياً) كنت فاكـره انك حاتفتح عينك وتقول : كل اللي أنا عايزه من الدنيا اتحقق (تلاحظ نظراته الخالية من التعبير وتعتدل واقفه) زى زمان .
- حازم : (يردد) زمان ؟ !
- نور : فاكـر طبعاً يا حبيبي زمان لما كنت بتقول لي : أنا خايف يانور ، الدنيا ماتستحملش كل السعادة دي .. أنا اخذت أكثر من نصيبي من الدنيا ، زمان ..
- حازم : مدى نفسك يانور .
- نور : (تضحك ضحكة مرة وهي تستعيد الحديث بينها وبين سنامي) كان زمان .. وماحدش يقدر يحيى

اللى فات ومات (فى هستيرية) قول يا حازم انهم
غلطانين ، قول مافيش مستحيل .

حازم : (يضع يده على يدها ويقمض عينيه) انت شفتى
سامى يانور ؟

نور : (تفلت يده وتقوم هاربة وفى مرح مصطنع وهى
(تولى حازم ظهرها) أما سامى دا كداب بشكل وقال
فاهم اننى مصدقه ... محقول ؟! (تستدير
تواجهه) تصور بيقول ... (لا تستطيع أن تكمل)

حازم : نور .. انت مضيت المخالصة ؟

نور : (لا تسمعه ، تضحك بهستيرية) تصور يا حبيبى ان
سامى بيقول انك مش عايز ...

(يخفق صوتها بالبكاء ولا تستطيع ان
تكمل)

حازم : (مقمض العينين) مش عايز ايه ؟

نور : (مندفعة ومعدله لما ارادت ان تقول) مش عايز
تشوفنى .

حازم : مش قادر اشوفك . لكن طبعا عايز .

نور : (فى اقتصار هستيرى) خلاص يبقى كداب .
ماحدش ايدا قادر يفهم انى انا منك وانت منى .
(تضع الأوراق على طرف الكوميدنو)

حازم : (يفرد الأوراق على الكوميدنو ويناولها القلم .)
امضى ، ثلاث نسخ .

نور : (تسقط القلم) لما يبقى بعد الشر يجرى لك حاجة
يا حازم ... بعد عمر طويل يبقى كل واحد ياخذ
نصيبه الشرعى .

حازم : (فى برود) المبلغ ده أكبر من نصيبك الشرعى
بكثير .

نور : (تواجهه فى تصميم) أنا مش عايزه إلا نصيبى
يا حازم . كل واحد ياخذ نصيبه .

حازم : (متلعثما) أنا كنت طالب من سامى بيلغك ...
(لا يكمل)

نور : انك سبت الأرض وما عليها لمزبيدة ؟

حازم : (يقفز جالسا فى سريره) انت عرفتى ؟!

نور : (متكسبة الرأس) ودلوقت بس صدقت .

حازم : وعشان كده مش عايزه تمضى .

نور : (وهى توبخ ذراعيها حول صدرها) أنا لو كان لى
عمر بعدك مطالب بنصيبى عشان اثبت للدنيا
كلها انى مراتك .

حازم : أنا قلت لسامى يقول لك . لو كان قال لك كان جنبى
وجنبك الموقف ده .

نور : (تستند على مقعد قريب) يقول ايه يا حازم ؟! انك
عايز تدفننى فى الحياة وفى الموت ؟!

حازم : (هامسا) المسألة مش كده يا نور ... هو سامى
قال لك انى مش ..

نور : (مقاطعة) ولا صدقتش ، كذاب قلت له ، وضرورى
اسمع الكلام ده منك عشان اصدق ..

- حازم** : فيه اعتبارات يانور ٠٠٠ اعتبارات اقوى منى .
- نور** : (تجلس منكسة الرأس على طرف السرير) انا مستتية يا حازم اسمع الحكم منك .
- حازم** : (يوليها ظهره) سمعته يانور
- نور** : وكبته .
- حازم** : (بصوت أعلى) سمعته .
- نور** : (تهمس منكسة الرأس) سمعته (ترفع رأسها تتأمل حازم وكأنها لا تعرفه ، تقوم فى تناقل من على السرير ، تتوقف عند أعمدة السرير لحظة وهي تمسح عليها يديها ، يسترعى انتباهها عقب سبجارة ملقى على الأرض وتميل تلتفت له وهو يستوعب كل اهتمامها ، تسير به الى حيث منفضة السجائر .
- تلقى فيها بالعقب ، تميل تنفخ بأنفاسها بعض الرماد الذى تخلف ، تنفض يديها من الرماد وتتقدم الى مقدمة المسرح تردد الكلمات التالية بصورة آلية وبلا تصيير وهي تستوعب الخير فى الوقت نفسه الذى تتقدم فيه الى مقدمة المسرح) الست المستتية على الكرسي مشلوله ماتت . (يرفع صوتها تدريجيا ويشرق وجهها حتى يصل الى مرتبة النشوة فى هذه الفقرة) الصبح مرتبت منها (فى احتقار عميق) طول عمرها مستتية بتحبيى الى فات ومات (تضحك) عايزه تحقق المستحيل وهى على الكرسي مستتية ، مطبقة أيدفا ٠٠٠ وأيدفا قاضية ، خايفة ليضيع منها الى عمره ما كان ليها . الست المشلوله فائمة انها بتشوف وهى عامية (فى احتقار) هربت منها ٠٠ لا كانت عليه ولا صبية ولا شابة ، على

الكرسى اتولدت مستتية (تتوقف لحظة وينخفض صوتها تدريجيا كلمة بعد كلمة) والنهارده ماتت ٠٠٠ الصبح ماكانش فيه امبارح ودلوقت مافيش بكرة ٠ كنت عايزة أهرب منها وأمى ماتت ولا امبارح ولا النهارده ولا بكرة فضل لى (تشعر بالاختناق ، تجرى الى الشرقه تفتحها على اتساعها تتلقى الهواء ، تستنشق نفسا طويلا وهى تولى ظهرها لحازم) ٠

حازم : كفايه يانور حرام عليك ٠ الوقت بيسرقنا ، أرجوك امضى الورق ٠

نور : (تفيق من غيبوبتها بعض الشيء ، تلتقط الأوراق تتأملها لحظة تلقيها على المقعد) مخالصة عن ايه يا حازم ؟ عن امبارح ؟ عن بكرة ؟! (تعود الى غيبوبتها تدور فى الحجرة ، تتوقف امام المرأة ، تمر على وجهها فى دهشة واستغراب وتقول بصوت خافت) انا مين يا حازم ؟!

حازم : (فى استعطاف) انا عارف ان الصدمة جامدة عليك لكن انا مضطر ٠٠ زبيدة تقدر تجرجرنى وتجرجرك فى الحاكم وتخلى اسمى طين فى الحيا والموت ٠

نور : (لا تسمع حازم ، تبدو متباعدة وكأنها لا تفهم شيئا ٠ تتمشى فى الحجرة وعيناها زائغتان ٠ تتوقف وتتحدث عن نفسها وكأنها انسان آخر) فى ايه غلطت وامتى ؟ يوم ما باعت الدنيا واشترته؟ يوم ما بقى هو قبلتها ودنيتهما ؟ ٠ يوم ما قالت حاضر يا حبيبى زى ما انت عايز ٠٠ وماتت العيلة التى بتعافر عشان تقف على رجليهيا ؟ حاضر

ياحبيبي .. وماتت الشابة والصبية . فى ايه
غلطت وامتى ؟ كان فيه كلمة ترد عليها امبارح
وتضمن لها بكرة ، وضاعت الكلمة وعلى الكرسي
اتولدت وماتت مستنية .

حازم : ارجوك يانور ارحمىنى عشان خاطرى ، انا مفهمك
كل حاجة .

نور : (فى تباعد وكأن الأمر لا يعينها) الى انت عايزه
ميمشى يا حازم (تجمع حاجياتها فيما عدا القفاز
الذى تنسأه على السرير) مش متكلم خالص
(تستشير لتخرج . تلتفت اليه نصف التفاته ببسمه
ساخرة) انا انت وانت انا ... مين القاتل ومين
المقتول يا حازم ؟

حازم : عشان أفهمك انك غلطانة ، ضرورى اتكلم . صعب
لكن ضرورى ..

نور : (مقاطعة) قلت مش متكلم يا حازم . ايه يهكم
بعد كده !؟

حازم : انا زورت عشان ماكنتش أقدر استغنى عنك .

نور : (تردد ألياً بلا اهتمام) زورت !

حازم : فاكدة أيام زبيدة ما عرفت اننا متجوزين اضطررت
أيامها أزور وثيقة طلاق منك بالتلاتة ..

نور : (تكرر ألياً) وثيقة طلاق منى بالتلاتة !؟

حازم : والوثيقة دى فى ايد زبيدة اللى تقدر تودينى فى
داهية فى الحياة والموت .

نور : (تسقوعب الخبر قمیل قریب علی یدہ) ماتخافش
یا حازم ، انت مازورتش حاجة .

حازم . : اقول لك زورت تقولى مازورتش ؟!

نور : (تعجباً يهدوء) انت فعلا مازورتش حاجة .

حازم : الوثيقة فى درج زبيدة مزورة ، وثيقة ادعيت فيها انه طلقك بالثلاثة .

تور : (فی هدوء) انت فعلا طلقنتی بالثلاثة ، ويمكن
ما تحوزتنش خالص .

حازم : (محقدا) انت مراتی شرعا .

تدور : ان كان فيه حاجة مزورة فى حياتك يا حازم فهمى
انا • واللى مش قادرة افهمه انت ليه ابقيت على
المدة دى كلها ؟

(تسمع اصوات الشخصيات وهى تدخل غرفة الاستقبال)

حمازم : (مرعویا) جم .. جم

نور : (بصوت صغیر وکانتھا تھدھد ٹٹٹلا صغیرا)
 ماتخافش یا حازم ماتخافش ... مستحبی ومش
 متکلم ابدا •

حازم : (مشتقاً) ماقيش الا الباب هستخبي فين ؟!

نور : (تبتسم وهي تتراجع الى الخلف في اتجاه الشرفة)
الباب ؟! ومن امتي كان قدامى باب (هامسة كأنها
تفضي بسر) هلف والدور من فرائدة لفرائدة لغاية
مالاقي أودة ضلمة أخرج منها (مخفت صوتها

تدرجيا) بشويش بشويش بشويش (وهى تخرج
الى الشرفة)

(فى الجزء التالى يدور الحدث فى المستويين
بحيث تتوفر الاضاءة فى حجرة الاستقبال وفى
حجرة المريض وتلتقى الأحداث فى الوقت نفسه
تنقلت نور الى الشرفة ، تتوقف زبيدة لحظة فى
حجرة الاستقبال وهى تشير باصبع الاتهام الى
صفاء ، ثم تندفع الى حجرة المريض • لا يلاحظ
حازم اوراق التنازل الملقاة على احد المقاعد يتظاهر
بالاستغراق فى النوم • تميل زبيدة تلتقط القفاز
تربط ما بينه وبين الشرفة المفتوحة ، يشدها حازم
من الخلف وهى تتجه الى الشرفة)

حازم

: الحقيقى يازبيدة بموت
(زبيدة تنتزع ثوبها من حازم فى عنف ، وتنفلت
الى الشرفة • حازم يجلس على السرير يزحف على
طرفه ، يحاول أن يقوم ويقع مضطجعا عليه)

(فى حجرة الاستقبال صفاء تكتم صرخة وتشير
بيدها اشارات مبهمه الى غرفة المريض والشرفة
وهى تقف فى النافذة • يجرى الكل الى النافذة •
تور معلقة حول العمود الذى يفصل بين شرفة
المريض والشرفة المجاورة ، ويدها تلتفتان حول
العمود وفى كل يد فردة حذاء ، وبقية حاجياتها
على الحائط المجاور ، تحاول فى نفس اللحظة التى
تظهر فيها زبيدة الافلات الى الشرفة المجاورة وقد
انصرف اهتمامها كليا الى هذه العملية • تلمحها
زبيدة التى تتوسط الآن الشرفة)

(وعلى خشبة المسرح الآن مستويات ثلاثة ،
المستوى الذى تقف فيه نور فوق سور الشرفة يليه
المستوى الذى تقف فيه زبيدة ثم المستوى الذى
تقف فيه المجموعة الى جوار النافذة ونور تواجه
المشاهد بينما يولى بقية الأشخاص ظهورهم .
تفاجأ نور بزبيدة وتكسر مكانها) .

زبيدة : انت مين ؟ مين انت ؟!

نور : (تلمح الموجودين بالنافذة المجاورة تتطلع اليهم
وهى تسال مجرد سؤال بلا الحاح)
مين انا ؟ انا مين ؟!

(يتراجع عزيز وخلفه المجموعة كاملة
فيما عدا اقسام وصفاء)

نور : تعيد السؤال بشكل أكثر الحاحا وقد تركزت نظرتها
على اقسام (مين انا ؟)

صفاء : (يفحش صوتها تدريجيا وهى تدرك أن نظرة نور
مركزة على اقسام) انت نور انا عارفاكى انزلى
من على السور .

نور : (لزبيدة) شفتى ؟ ماحدش عارفنى (تشير بيدها
ويها فردة الحذاء الى غرفة الاستقبال) ماحدش
أبدا عارفنى .

صفاء : (بأعلى صوتها وفاطمة تجذبها الى الخلف)
انا يانور انا .

زبيدة : (لنور فى اصرار ولففاء فى ذات الوقت) انت
مين ؟

نور : أنا مين ؟ ولا حاجة ، ولا حاجة (تبدأ تضحك وهي تحتضن السور) الصبح كنت كارماها ودلوقت ماتت (تفلت يديها من حول السور وهي تستلقى الى الخلف وتطلق ذراعيها) ولا حاجة ولا حاجة •

إبتسام : (ونور تفقد توازنها) نور •• نور

(تشق المسرح صرخة مدوية • صفاء تتراجع وتخطو خطوتين داخل المسرح مخفية عيها • زبيدة تتراجع الى الخلف في برود ، تسقط صفاء مغشيا عليها وتركع إبتسام الى جانبها ويسرى الذي يحاول إفاقتها • تقف بقية المجموعة بجوار النافذة وفي ذات الوقت تقوم زبيدة بمهمتها في حجرة المريض في حركات أشبه بالبالنطوميم بينما الأصوات كلها تصدر من حجرة الاستقبال • أصوات مختلطة السدم للركب ماتت ••• ماماقتش ••• سامي معاما ••• دخلوها المستشفى) • (زبيدة تشعل النار في أوراق التنازل ، تلقى بها مشتعلة في الحوض ، تلقى بقفاز نور في عجلة في حقيبتها • تمد يدها بقطعة مبللة بالنشادر تضعها على أنف حازم وتتركها حيث هي ، تعود ترقب النار وهي تنهى الورق • تفتح الصنبور ، ترقب الماء لحظة وهو يقضى على بقايا الرماد • تغلق باب الشرفة تنتزع من أنف حازم قطعة القطن وتلقيها الى سلة المهملات • يفتح حازم عينيه ويعود

يقفلهما • تخرج زبيدة الى غرفة الاستقبال
وتغلق الباب خلفها • طرقة الباب تبعث
بالخوف فى المجموعة الملتفة حول النافذة ،
تستدير مواجهة الجمهور وهى لم تزل
مستمرة فى مكانها •

زبيدة : (تتقدم الى داخل المسرح ، وفى صوت قاطع
ونهاى) واحدة ست وقعت من البلكونة (تضغط
زبيدة على كل مقطع من مقاطع كلامها) واحده
ست ما نعرفهاش •• مين هى ؟ مانعرفش • ومرحلة
الخطر عدت والحمد الله وأخوكم نجى من الموت •

إيتسام : ماحدش نجى •• ماحدش نجى •

ستار

الفصل الثالث

- المكان : المستشفى •
- الزمن : فى صباح اليوم التالى •
- المشهد الأول : فى حجرة المريض •
- المشهد الثانى : فى حجرة الاستقبال بالمستشفى •
- المشهد الثالث : ختام فى حجرة المريض •

- حازم : يعنى التحقيق هنا فى المستشفى ؟
- زبيدة : ما قلنا هنا •
- حازم : يعنى وكيل النيابة هيجى عندنا هنا ؟
- زبيدة : معلوم هيجى •• الست وقعت من البلكونة اللي جنبنا •

- حازم : الورق ٠٠ انت متأكدة انك مالقتيش الورق ؟
- زييدة : (فى ضيق) مافيش ورق ٠
- حازم : فتشتى تحت السرير ٠٠ قلبتى المراتب ٠٠ درج الكوميدنى ٠٠ (يقلعنم) ى ٠٠ فى ٠٠ البلكونة ؟
- زييدة : قلت لك مافيش ورق يعنى مافيش ورق ٠
- حازم : انا متأكد ٠٠
- زييدة : (مقاطعة) انت ماكنتش فى وعيك ٠٠ فاهم ؟
يبقى منين تبقى متأكد ١٩
- حازم : (فى صوت هامس مرعوب) ضرورى أخذته وياها ٠
- زييدة : (فى برود قام) انت بتخرف تقول ايه ؟ مى مين
الى أخذت الورق معاها ١٩
- حازم : ضرورى البوليس لقى الورق فى شنطتها (متهالكا
على وسادته) ضعت ٠٠ ضعت ٠
- زييدة : (بشكل آمر وفى هدوء كامل) انت تتكتم خالص
أحسن لك ٠٠ ملوسة مش عايضة ٠٠ قلت لك ميت
مره مافيش ورق كان هنا ، ومافيش ست كانت
هنا ٠ الست اللى وقعت مانعرفهاش ٠ وانت كنت
نايم ولا شفتش حاجة ولا تعرفش حاجة ٠
- حازم : والدليل اللى معاهم ضدى ٠٠ الورق ١٩
- زييدة : ماكانش فيه زفت ٠٠ وانت كنت غرقان فى النوم ٠
- حازم : تبقى أخذته معاها ورخنا فى داهية ٠

زبيدة : انت اتجننت ؟! اذا كنت انا دخلت الودة لقيت
البلكونة مقفولة شيش وقزاز ، تبقى الست دى
كانك هنا ازاي ؟! وخرجت من البلكونة ازاي ؟!

حازم : (مبهوتا) البلكونة كانت مفتوحة على وسعها •
نور : اذا كنت انا اللى فتحت البلكونة وخرجت اشوف
ايه الحكاية ، لقيت واحدة ست متلقحة فى الأرض
والناس ملمومين عليها ؟!

حازم : (فى وعب) زبيدة •• انت عملت ايه يازبيدة ؟
زبيدة : (فى هدوء) فى ايه ؟
حازم : فى البلكونة (يكاد يتفجر باكيا) عملتها يا زبيدة
•• عملتها ؟!

(يدخل فى دور اشبه بالتشنج)

زبيدة : (زبيدة تمسك بكتفيه وهى تثبتهما على السرير
لتوقف حركة الارتجاف • يقاوم حركتها وهو يجلس
يصرخ صرخات خرساء متتالية ، تلتقط وسادة تسد
بها فمه • حتى تكاد تختفه • حازم يقاوم بقوة
تسقط الوسادة فيما بينهما • تميل زبيدة بكل
ما فيها من قوة وتصفعه على خده صفقة مدوية)
الورق حرقتة يامغفل ، ولو كان بايدي كنت حرقتك
زى ما حرقتك (تتوقف حالة التشنج وتبدأ دموعه
فى التساقط ، ترده وهو جالس بيدها فى احتقار
عميق فيرتد الى ظهره فى حركة آلية) انت راجل
انت ؟! (تولى حازم ظهرها وتتصلب فى محاولة
للتغلب على لحظة الانفعال التى انتزعت منها
الاعتراف انتزاعا • وجسمها يتصلب وهى تحاول

استعادة حالة التباعد والتجاهل التي تبلغ حد الغاء
الواقع • تسود لحظة صمت تستدير ببطء وتواجه
حازم وتتكلم بصوت ثقيل وكأنما تلقنه درساً كلمة
فكلمة (ماكانش هنا ورق ، وماكانش هنا ست ،
والست اللي وقعت مانعرفهاش ، ودا الكلام اللي
حانقوله للنياية .. فاهم ؟

حازم : (وقد استرد هديره) ضرورى .. ضرورى اتأكد
• الأول

زبيدة : من ايه ؟

حازم : أنا ماوديش نفسى فى داهيه ...

زبيدة : انت بالشكل ده متودى نفسك فى داهية •

حازم : أنا ماهربش من خفرة عشان اغرق فى بحر ..

زبيدة : (فى احتقار) دا انت كان موتك ارحم •

حازم : ضرورى اتأكد الأول •

زبيدة : (فى سخرية خفيفة) من ابنى مازقتهاش ؟! (حازم
يلتزم الصمت وهو يشيخ بوجهه عنها • ترقبه
كالقط وهو يتلاعب بالفار) ونفرض انى زقتها
(حازم يخفى وجهه ولا يجيب الدموع تتساقط من
عينيه وفى تتمر تقول زبيدة) أيوه زقتها ، متعمل
ايه ؟ هتبلى على ؟

حازم : ضرورى اتأكد الأول •

زبيدة : (فى قلاعب) من ابنى مازقتهاش ؟!

- حازم : (منفجرا) من ان ماحدش شافك (ولا يكمل)
 زبيدة : (تكمل) وانا بازقها ؟
- حازم : دى جريمة قتل ٠٠٠ عارفه يعنى ايه جريمة قتل ؟
 زبيدة : (تربع ذراعيها) اطمئن ياخويا .
- حازم : وشهادتى هتبقى تستر ٠٠ هتبقى اشتراك فى
 الجريمة .
- زبيدة : اطمئن ياخويا ماحدش شافنى ، ولا حد يمكن يكون
 ابدا شافنى .
- حازم : وتعرفى متين ؟
- زبيدة : (منفجرة) لانى مازقتهاش ياسى حازم (لحظة صمت
 تستجمع فيها زبيدة قواها لتستبعد اللهجة المتجاهلة
 المتباعدة التى اتبعنها من البداية) ٠٠ وازقها بتاع
 ايه ؟ اعرفها متين عشان ازقها !؟
- حازم : واخواتى مين يضمن انهم هيسكتوا ؟
- زبيدة : انا ياسى حازم اسكتهم واسكت الف زيهم . وحصل
 مش ماحصلش ٠٠ من ساعتها لجمتهم واتلجموا .
- حازم : ولما يعرفوا انى سببتهم على الحديد ٠٠ مين
 يضمن !؟
- زبيدة : عرفوا ياسى حازم ٠٠ من امبارح عرفوا .
- حازم : (مرعوبا) عرفوا !؟
- زبيدة : وماحدش فتح بقه ولا هيفتح بقه :
- حازم : ضرورى قبل التحقيق يعرفوا ٠٠٠ (لا يكمل)

- زبيدة : يعرفوا إيه ؟
- حازم : انى .. انى ..
- زبيدة : (تتنفض عليه) عملت ايه فى عقد البيع ؟
- حازم : (يتراجع الى الخلف) ولا حاجة •
- زبيدة : العقد هيتسجل النهاردة ، وان كنت بتفكر ترجع فى كلامك احسن لك تتروى (تشغل سيجاره وتطلق دخانها وهى تلقى برأسها الى الخلف) •
- حازم : زبيدة .. ضرورى أشوف حد من أخواتى قبل التحقيق ما بيتدى • (وهو يحمل كلامه أكثر من معنى) العقد خرج من أيدي يازبيدة •
- زبيدة : (وقد فاتها المعنى المزدوج) لما يجينى الخبر انه اتسجل •
- حازم : فى عرضك يازبيدة عشان التحقيق .. عشان مصالحتك •
- زبيدة : (تجلس تدخن) اطمئن ياخويا • المهم تاخذ بالك من صحتك • صحتك بالدنيا •
- حازم : زبيدة •
- زبيدة : لا من شاف ولا من درى (بلهجة بوكيد) ما حدش منهم شاف حاجة ولا حدش منهم يعرف الست دى •
- حازم : (متفجراً) ضرورى اتأكد ضرورى أشوفهم قبل التحقيق •

الظلام

(تدخل الى حجرة الاستقبال المجموعة
مكونة من عزيز وسنية وفاطمة • سنية
فى المقدمة يتبعها عزيز ، وفاطمة وهى
تحمل بين يديها فى حوض لفة ضخمة
مربوطة ربطا انيقا) •

سنية : (شى قمر وهى تكمل حديثا بداته خارج المسرح)
لا وسيدنا النبى لا يمكن أبدا • لا هى لعبة ولا لعبة؟
أقول ما اعرفهاش ازاي ؟ دا وكيل نيابة وتحقيق
رسمى • وأودى نفسى فى داهية عشان ايه ؟

فاطمة : (وهى تضع اللفة على مائدة الوسط وتعاملها فى
اعجاب) والنبى أنا قلبى حاسس ان ربنا هيفرجها
(لسنية) صبرك ياختى •

سنية : وأسكت ليه ورقبة زبيدة فى ايدى ؟ اللى يسمعكم
بتتكلّموا كده يقول دا اللى حصل ما حصلش •

فاطمة : يا ميلة بختك ياخويا ، وقال النهاردة عيد ميلاده
ياحبة عينى !

(يدخل يسرى لتبعه كل من ابتسام وصفاء)

سنية : (مخاطبة يسرى) كويس اللى جيت عشان اخلص
نمتى ، بلغ حازم انى متكلم فى النيابة •

يسرى : أنا متأكد أن اخويا حازم سيرجع فى كلامه .. ان
ماكنش رجع .

عزيز : احنا منتجم ؟!

يسرى : عزيز انت عايز ايه ؟ عايز تقتل اخوك ؟!

عزيز : أنا ماقلتش انى متكلم .. أنا قلت كل واحد يعمل
اللى هو عايزه .

يسرى : يعنى نسيب الحكاية تكبر لغاية مانلاقى نفسنا
مانشتات فى الجرائد ؟!

عزيز : والله المسألة خرجت من ايدى .

يسرى : وبقت فى ايد سنية ؟

عزيز : فى ايدك انت وحازم .

إيتسام : (مشيرة الى اللفة) ايه دى يا ابلة فاطمة ؟

فاطمة : تورته ياختى تورته .

إيتسام : تورته ؟!

فاطمة : (متقصرة) شايفه كلكم نسيتم .. عيد ميلاد حازم
النهارد .

إيتسام : (وهى تسير فى اتجاه الشرفة حيث تقف صفاء)
وظفيم الشمعة ولا لسه ؟

فاطمة : (بسذاجة) لا ياختى بعدين لما نشوف لنا حل فى
المسألة دى (تلتفت فجأة الى يسرى) ماتتحرك
ياراجل وتشوف لك تدبيره .

يسرى : (محاولا كسب الوقت) مش لما اعرف الأول كل واحد واقف فين ؟ (فى استعجاب) ابتسام !
متعملى ايه ؟

إبتسام : (تتقدم الى داخل المسرح) أنا ماشية •
يسرى : فى التحقيق ؟

إبتسام : النيابة ماستدعيتيش وقبل التحقيق همشى •

يسرى : (لى فروغ صبر) ومستنيه ايه ؟ لما النيابة تستدعيك ؟

إبتسام : فيه حساب ضرورى اصفيه يايسرى قبل ما اخرج من هنا •

يسرى : حساب ؟ بعدين يا ابتسام •• بعدين •

إبتسام : قبل ما اخرج يا يسرى • عشان أقدر احضن ابنى من غير ما صورة نور تقف بينى وبينه •

يسرى : (مخفيا وجهه بيديه) كفاية •
(ابتسام تعود الى مكانها • صفاء تمد يدها وتلمس ذراع ابتسام فتبادل الابتئان نظرة تفاهم) •

سنية : (تقوم واقفة) وانت يا قاطمة متعملى ايه ؟

فاطمة : زى ما يقول أخويا حازم يقول • أخويا وما أقدرش أستغنى عنه ، باع ما باعش مادام عايش مسيره يعوض اللى ضاع واكثر •

سنية : (منقضة على فاطمة) وتروحي فى الحديد ؟

فاطمة : (خائفة) حديد ؟!

سنية : دى شهادة زور تودى أجعص جعيص فى داهية •

يسرى : (وهو يدرك أن الأمر يفلت من يديه تماما) مافيش داعى نهول المسألة بالشكل ده ياسنية هانم •
نفرض حتى ان وكيل النيابة أثبت أن الست اللي
(يتطلع ريقه فى صعوبة) وقعت دى مرات حازم ؟
نفرض • اختى فاطمة متخسر ايه ؟

(صفاء تتقدم الى داخل المسرح لتقابل
يسرى فى منتصف الطريق) •

فاطمة : (تتأمل الفكرة) صحيح ياخويا ، اذا كان حازم
مخبى علينا انه متجوز نور •• اعرفها أنا منين ؟

صفاء : (تهز ثراع يسرى) انت بتعمل ايه ؟

يسرى : (بلا فهم) بحل المشكلة المهيبة دى •

صفاء : انت تعمل كده ؟! انت يايسرى ؟!

يسرى : يعنى انا غاوى شقى ، لقيت حد يشيل عنى البلاوى
دى وقت لا ؟! (يعاود مواجهة فاطمة) افرضى
وكيل النيابة قال لك : ثبت ان أخوك حازم متجوز
ألست دى ، هتقولى ايه ؟

فاطمة : ان شاء الله يكون متجوز منه مادام مخبى علينا
أعرف أنا الست دى منين ؟ (فى سداجة ليسرى)
كويس كده •

صفاء : (فى سخريه) اطمئن يايسرى الدرس وصل ايله
فاطمه ووصلنى (وتعود مقهورة الى مكانها بجانب
الشرفة) •

يسرى : كم مرة مفهمك يا صفاء ان فيه ضروريات • ان
الواحد بيعمل اللى ضرورى يعمل مش اللى عايز
يعمله ؟! (مستغظا سئيه) فضيها بقى وريحينا
يا سنية هانم ، هى جريمة ؟ ! دى مجرد حادثة •
واحدة وقعت هنا وكان ممكن تقع فى حته تانية •

فاطمه : تقول ايه فى حظنا المهيب •

سنية : (منقضية على يسرى وهى تلعب آخر ورقة فى جيبها)
وجالك منين ياسى يسرى انها وقعت ؟ (لحظة صمت)
ليه ماتكونش زبيدة زقتها ؟!

(يستمر عزيز فى مكانه مبهوتا ترفع
فاطمه يديها فى حركة ولولوة • يتراجع
يسرى الى الخلف وهو يمد يديه امامه وكأنه
يدرا خطرا • لا تعير ابتسام ولا صفاء
الامر اهتماما وهما تدركان انهما امام
تمثيلية) •

يسرى : مش ممكن •• ماحصلش •

سنية : هو ايه اللى ماحصلش (تواجه يسرى) شفت نور
بعينك وهى بتقع ؟!

يسرى : (فى استنجاد) عزيز ؟!

عزيز : انا ماشفتش حاجة •
يسرى : فاطمة •

- فاطمة : وأنا مالى ياخويا .
- يسرى : (لفاطمة فى استمالة) شفت الحيايثة ؟
- فاطمة : وحياتك انت ياخويا ما شفت حاجة ، إنا ماقت الا على صوت بيدوى بالميانى ، قمت بصيت لمقت الست غرقانه فى دمها .
- سنية : (فى انتصار وهى تحاصر يسرى) عزيز ماشافش ولا فاطمة وانت ياسى يسرى شفت بعينك ؟
- يسرى : (متفجرا) ما شفتش .
- سنية : وعايز تطريق على الحكاية وانت ماشفتش ؟
- يسرى : (يتقض على سنية) انت شفت زبيدة وهى بتزق نور ؟ (لآترد ، وهو الآن يهز ذراعها) شفتيها ؟
- سنية : (تنزع ذراعها من يد يسرى فى احتقار) اللى شفته مقوله فى التحقيق . واهو الدور قرب يبجى علينا .
- (صفاء تتقدم من يسرى وهى تترنح وتستخدم نغمة من السخرية المرة الممزجة بالتلاعب وكأنها تلعب لعبة ، وهذه هى طريقته فى التنفيس وحماية نفسها من الانهيار . يسرى الذى تستوعبه حالة من الاشفاق على الذات تضيع عليه نغمة السخرية فى كلام صفاء ، ويتصور انها تسأله)
- صفاء : (وهى تتقدم) يا حبيبى يامسكين .
- يسرى : (وهو يدفن وجهه بين يديه) انا عازف كده . وسباحة

متجر وساخة وفضيحة متجر فضيحة ولفين
متوصل ١٩

صفاء : (التي تحاذيه حين ينتهى من الفقرة السابقة)
يا حبيبى يا مسكين لفين متوصل لفين ١٩ وانت اللى
طول عمرك مش عايز من الدنيا الا ٠٠ (ولا تكمل)

يسرى : (يكمل) يسيبوني فى حالى .

صفاء : يا حبيبى يا مسكين وانت طول عمرك مش عايز من
الدنيا الا ٠٠

يسرى : راحة بالى .

صفاء : وبعد ما شفت وعملت نفسك مش شايف ، وبعد
ما سمعت وعملت نفسك مش سامع ٠٠ ضرورى فى
عز الضلمة يجروك ٠٠ عايزينك تشهد ٠٠

يسرى : ومالى أنا ١٩

صفاء : (فى سخرية مرة) ومالك انت مين القاتل والمقتول
مين الظالم والمظلوم ؟ مين اللى معاه الحق ومين
المحقوق ؟ (يَخْتَقِقُ صَوْتَهَا بِالْبُكَاءِ) مالك انت ١٩ ؟
(تتحول ثبرتها الى ثبرة اسى ورثاء) يا حبيبى
يا مسكين ٠٠ عشان ما تعفرش رجلك بالقرب انتهيت
غرقان فى الطين .

يسرى : (متفجرا) كفاية يا صفاء كفاية أنا استحملت
كفاية ٠٠

(صفاء تعود الى مكانها وفى نفس اللحظة
تقف زبيدة على باب المريض ٠٠ لابلحظ
وجودها سوى ابتسام)

سنية : جالكم كلامى (مشيره الى صفاء) امى قالت لكم
امى بعضمة لسانها (يرتفع صوتها) زبيدة زقت
نور من على السور .

عزيز : (وهو يتأمل الموضوع) وفى الحالة دى تبقى الشهادة
تستر على جريمة قتل .

سنية : دا لو رينا لطف ، مش جايز يفتكروا اننا شركا ؟
فاطمة : ما طبقت على دماغنا واللى كان كان .

عزيز : انا لا يمكن ابدا اودى نفسى فى داهية .

زبيدة : (تتقدم الى داخل المسرح فى هدوء . وحين تتوسطه
تنقل بصرها بين الموجودين) انت بيتكلموا عن ايه ؟
(لحظة صمت) انا سألت سؤال مايتردوش ليه ؟

إيتسام : (فى برودة) انت واقفة من بدرى وسمعتى .

زبيدة : عايزه أسمع منكم بودانى .

إيتسام : (فى تلاعب) كانوا بيتكلموا عن نور .

زبيدة : (وهى تتجلد) نور مين ؟ انا ماعرفش واحدة
اسمها نور .

إيتسام : (تتقدم لتواجهها) بقى كده ؟! يجوز . طيب ايه
رايك بقى اننا كلنا كده نعرفها عز المعركة ، زى
ما نعرفك تمام ؟

زبيدة : : اجرسى قطع لسانك .

إيتسام : (يتنسم) والجماعة هنا بيقلولوا ...

زبيدة : أئلى رينا يفتح عليه بكلمة يقولها قدامى
(فترة صمت) انخرستم ليه ؟

إيتسام : ماترعلش نفسك أبدا يازبيدة هانم ، أنطق انا .

زبيدة : بس . الرجالة اتلموا وانت يامفعوصة متعملى
راسك براسى !؟

إيتسام : بقى شوفى ياستى الجماعة هنا حايقولوا لوكيل
النيابة (تسكت) .

زبيدة : أنطقى .

إيتسام : انك قتلت نور .

زبيدة : (متراجعه الى الخلف وهى تدرك أن الموقف قد اقلت
من يدها وفى استنجاد بالموجودين) سامعين !؟
سامعين بتقول ايه !؟

إيتسام : (وهى تحاشرها مقتربة خطوة فخطوة) انك قتلت
نور .

زبيدة : (وهى تتراجع بظهرها فى اتجاه غرفة المريض
وابتسام ما زالت تقترب منها) سامعين وساكنتين
يادون !

إيتسام : ومش ساكتين ، حايقولوا لوكيل النيابة . وانت فعلا
قتلتها يازبيدة هانم .

زبيدة : (تزيج ابتسام عن طريقها) لوا البت الفاجرة دى
أحسن لكم .. اتكلموا .. انظروا (لا أحد يتحرك
او يرد) قولوا الحقيقة (تغمض عينيها لحظة وهى
تتمتم) يادون يادون (يتصلب جسمها وتشمخ براسها

وهي تفتح عينيها) مين انتم عشان تهدونى ؟
 ماتخلفش اللى يهدنى ، ومن فيكم له حاجة عندى ؟
 (لحظة صمت) لو كان اخوكم دراعى اليمين اقطع
 ولاحدش يهدنى (مندفعة فى جنون الى الحجرة
 وهى تقول) عايزين اخوكم ؟! بس كده • حاضر
 (تستدير قبل ان تدخل الحجرة) على جزمى انتم
 واخوكم •

زبيدة تختفى فى حجرة المريض وتترك
 الباب مفتوحا على اتساعه)

فاطمة : (هامة) يامصيتى مادامية تخلص عليه •
 (تتقدم فاطمة وخلفها المجموعة ماعدا
 صفاء وابتسام فى نصف حلقة فى اتجاه
 اتجاه غرفة المريض • فى نفس اللحظة
 تدفع زبيدة بحازم وهو يجلس على مقعد
 متحرك بكل قوتها الى داخل المسرح •
 تتفرق المجموعة متناثرة لتحاشى الارتطام
 بالمقعد • يسرى يقف متسمرا يتلقى حازم
 بين يديه • ويعدل من وضع المقعد الى
 موضع الصدارة)

زبيدة : خالصين ؟! (تستدير فى شموخ وتغلق الباب خلفها
 غلقة قوية) •

(حازم يخفى وجهه بين يديه والكل فيما عدا
 صفاء يشعر بالخجل • يسرى يقف خلف
 مقعد حازم يقبض على مستديه وكأنما يخشى
 ان يفلت منه • ابتسام تتقدم ببطء وتسدل

معطفها على ركبتي حازم • وتتحاشى نظرة
 حازم وتعود الى مكانها الى جانب الشرفة •
 فاطمة مرتبكة تلتقط عليه التورقة من على
 مائدة الوسط وتتقدم بها الى حازم •
 يسرى يشير اليها باضطراب الا تفعل •
 تتسمر فاطمه مكانها فى منتصف الطريق
 وهى تحمل العلبة • سنية تجلس على مقعد
 فى قنمر وهى تضع ساقا على ساق وتشعل
 سيجارة • عزيز يهم بالقيام ، تذكره سنية
 بكوعها فيبقى حيث هو • حازم يلحظ الحركة
 ويشيح بوجهه متألماً ، تقع نظرتة على
 فاطمة) •

حازم : (مغلق العينين) ايه اللى فى ايديك دا يا فاطمة ؟

فاطمة : تورقة ياخويا •• النهاردة عبد ميلادك • كل سنة
 وانت طيب •

حازم : (مخفوقاً) عيد ميلادى (يضحك ضحكة عصبية)
 النهارده !؟ (لحظة تردد يمد اثرها حازم يده ويقلقى
 التورقة ويسلمها ليسرى • يتجلد ويبدأ فى استعادة
 القناع المتباعد المتكبر الذى يكسو وجهه عادة)
 كتر خيرك يا فاطمة والله فيك الخير • امال فين
 هديتك يا عزيز ؟ وانت ياسنية ؟ (فى برود) ولا حازم
 مات ، واستخسرتم فيه الهدية ؟

سنية : (وهى تحمل كلامها اكثر من معنى) سهوة ياخويا
 وياما حاجات بتغيب عن البال •

حازم : زى انا مثلاً ؟!

سنية : ودا معقول !؟ دا احنا اللي غبنا عن البال وفي
الرجلين ضعنا •

حازم : كنت فاكـر انك نسيت ان انا موجود (ينظر الى
الوجودين) وطول ما انا موجود ماحدش في الدنيا
يملى شروطه على ، مهما كان الوضع • فاهمين !؟
فاطمة : فاهمين ياخويا •

(سنية تضع ساقا على ساق وهي تبسم
ابتسامة ساخرة • عزيز يشيح بوجهه
بعيدا)

حازم : (يتكلم بلا انفعال وفي برود وتعال) انا عملتكم من
التراب ، من لا شيء بنيتكم • كل اللي عملته في
حياتي عملته عشانكم • (يرقض في مقعد ، لحظة
صمت) المهم خللينا في النهارده (في توكيد
الظروف اتغيرت ، انا عدت مرحلة الخطر والنهارده
غير امبارح • وقبل مابلغكم بقراري اخير فيه
حاجة عايز اعرفها (يجد صعوبة في اكمال الحديث)
فيها واحدة ست وقعت هنا امبارح • مين فيكم
شافها وهي بتقع !؟

فاطمة : ماشوفناش حاجة ياخويا •

حازم : انا عايز اعرف مين اللي شافها (لا احد يرد • يعيل
في حركة انقضاخ في اتجاه سنية ويضيف في برود)
بلغني انك شفتيها يا سنية هانم • الكلام ده
صحيح !؟

سنية : (في نغومة مأكرة) والله ياخويا. ساعات الواحد
بيسهى عليه ، يجوز شفتها ، ويجوز اتهاى لى •

حازم : أنا محتاج لحد بيشفوف ، النوع اللى بيشفوف ولا
بيشوقش ماينفغش دلوقت ياسنية هانم (متوجها الى
ابتسام) ابتسام .. شفتيها .

إبتسام : (منكسة الرأس) شفتها .

حازم : (يواجه ابتسام بمقعده فى استدارة عنيفة)

شفت ايه ؟! (يتلعثم) حد .. (لا يكمل)

إبتسام : حد ايه ؟! (لا يجيب) حد ايه يايبه حازم ؟!

حازم : (منفجرا) انت عارفة أنا عايز اقول ايه .
(فى استعطاف) ابتسام .

إبتسام : (منفجرة) وقعت .. وقعت

حازم : (يتكبد فى صوت مخفوق) وقعت ؟

إبتسام : (ونظرتها تتركز على الشرفة) كانت واقفة على
السور (يخلتق صوتها بالبكاء) وفضلت تضحك
لغاية ما انكفت على ظهرها ..

حازم : تضحك ؟!

إبتسام : ووقعت .

حازم : (يستوعب الخبر لحظة مغمضا عينيه ثم يستعيد
وجهه الإتفاع المتعالى المتباعد) ودلوقت فى حد منكم
عايز يعترض على حاجة ؟ (لا أحد يرد) وحازم
يتحرك الآن بمقعده المتحرك يقف أمام الواحد بعد
الأخر (عزيز) عزيز يهز رأسه بالنفى وهو يتكس
رأسه) سنية هانم عايزه تعترض على حاجة ؟!

سنية : (تصعد لتظلمته وفي نفس النعومة الماكرة)

العفو ياخويا • حد يقدر يعترض عليك • دا انت
قبل ما تخطى الخطوة بتحسب لها ألف حساب •

حازم : (وهو يحاول أن يحقق انتصارا) يعنى مش عايزه
تقولى حاجه ؟!

سنية : ما قلت ياخويا •• وكلك نظر •

حازم : (فى لهجه آمره يحاول بها اخفاء انهزامه امام سنية)

يسرى •• رجعتى مطرحى (يستقر المقعد فى مركز
الصدارة ، وحازم يواجه المجموعة فيما عدا صفاء
وابقسام اللتان تلتزمان جانب النافذة) افهم من كده
ان اللى كان عنده كلمه بلعها ؟ (مندفعاً قبل أن ترد
سنية) بلغكم طبعاً القرار اللى اخدته امبارح ؟

(سنية وفاطمة وعزيز ينتفضون واقفين فى
ترقب ، حازم يتمتع بمنظرهم وهو مرتضى
مكانه ، ينقض فجأة الى الامام بشكل
تهديدى ، فاطمة تكتم صرخة كادت تفلت
منها ، سنية تتصلب فى مكانها وهى تتأهب
لمعركة جديدة وعزيز يخفى وجهه بين يديه)

حازم : (وهو مايزال يحتفظ بالوضع التهديدى) القرار ده
انا غيرته النهارده ، والقرار ده غيرته لأن الظروف
اتغيرت • ايه الظروف دى ؟ ماحدش يسأل وماحدش
ميعرف •

سنية : (متصالحة تماماً وفى نعومة) واحنا من امتى
ياحازم بك بنسأل ؟

حازم : دا مالى وانا حر فيه ، اعمل فيه زى ما انا عايز •

- عزیز : اظن ده شىء مفروغ منه •
- حازم : (يخرج ورقة من جيب منامته وقد استعاد الزعامه تماما) يسرى ورى الورقة دى لاختائك ، وشقها انت كمان •
- يسرى : دا عقد البيع لزبيدة •
- سنية : عقد البيع ؟!
- (فاطمة وعزیز وسنية يتكاثرون حول يسرى الذى يبدو مبتهجا ، يتخاطفون منه عقد البيع الذى يستقر فى يد عزیز) •
- عزیز : منعمل فيه ايه ؟
- حازم : ابتسام • تعالى شوقى عقد البيع (ابتسام لا تجيب) وريها العقد يا عزیز •
- إيتسام : (وعزیز يطلعها على عقد البيع) عارفاه ، بيع وشرا لزبيده •
- حازم : (عزیز يعيد العقد الى حازم وحازم يتمتع برؤية عزیز وسنية وفاطمة يقفون فى خشوع وثرقب) عايزنى اعمل فيه ايه ؟
- اصوات مختلطة من سنية وعزیز وفاطمة ويسرى • نقطعه)
- (نظرة حازم تستقر على الباب المغلق والمجموعة تتبع نظراته)
- سنية : (بصوت هامس متآمر) نقطعه ولا من شاف ولا من فرى •
- فاطمة : نقطعه ولا كائننا قطعناه •

عزيز : نقطعه ونلمه حته بحته .

حازم : والسـر ؟!

فاطمة : فى عينيا ياخويا .

(حازم يبدأ فى تقطيع العقد فى بطاء فى
قطع صغيرة ، ويلقيها على الأرض فاطمة
وسنية وعزيز يجمعون القطع الصغيرة
ويدسونها فى جيوبهم فى حركات سريعة
تتوقف حين يتوقف حازم وتلهث حين
يسرع . يتعمد حازم القاء بعض الأوراق
الممزقة فى اتجاه يسرى الذى يميل يلمها
بدوره) .

صفاء : لم نصيبك يايسرى لم ؟

إبتسام : (فى انفجار) كفاية كفاية .

حازم : (فى هستيرية خفيفة دون أن يلقي بالا الى ابتسام)
كل واحد ياخذ نصيبه .

إبتسام : (متقدمة الى داخل خشبة المسرح ومحاذيه لحازم)
كفاية .. انا أخذت نصيبى وكفاية . وصورتها
ما بتقارنش بالى .

(ينتفض الراكعون عائدين الى مقاعدهم
ببقايا العقد فى أياديهم)

حازم : (وبقية من العقد فى يده يرقب ابتسام لحظة ، ثم
يخفى ما تبقى فى جيبيه) ايه الى مش عاجبك
يا ابتسام ؟!

ايتسام : كل حاجه ٠٠ الكذب اللى احنا عايشينها ، اللعبة
الى احنا بنلعبها والست اللى راحت ضحيتها •

(صفاء تدفع بيسرى الى الامام وهو يواجه
حازم الآن محاذيا ايتسام)

حازم : (منقضا على ايتسام) اخرسى ٠٠ أنا لا يمكن اسمح
لك تتكلمى بالطريقة دى • اللى حصل حادثة مجرد
حادثة مالناش ذنب فيها •

يسرى : (مستجمعا لكل قواه وصفاء تقف الى جانبه تسنده)
فات الأوان ياخويا •

حازم : (يستجمع قواه وهو يواجه بيسرى فى خوف اول
ثم استخفاف) فات الأوان على ايه يايسرى ؟ (بيسرى
لا يرد) ما تنطق •

صفاء : (متصدية لحازم) فات الأوان اللى تسمح فيه
ولا تسمحش ، اللى ضرورى الواحد ياخذ الاذن
منك •

حازم : الاذن ؟

صفاء : عشان يتكلم عشان يشوف ، عشان يتحرك عشان
يتنفس •

حازم : (فى برود ونظرة مركزة على صفاء) انت مين ؟

صفاء : انت عارف أنا مين ، وعلى كل بيسرى يقول لك •

يسرى : (بصوت ضعيف) صفاء خطيبتى

حازم : ومن امتى الاغراب بيتدخلوا بينى وبينك يايسرى
(بيسرى يلكس راسه وصوت حازم يرتفع فى ثورة)
من امتى ؟

صفاء : (مستقيمة) ماتقدرش تتظاهر بان اللى حصل
ماحصلش وكلكم مسئولين عن اللى حصل وارلهم
انت ، يسرى من النهارده بره اللعبة • بره الكبة •

حازم : اظن يسرى له لسان ويقدر يتكلم •

فاطمة : انا قلت البنت دى مافيش وراها الا المصايب •

صفاء : هيتكلم يا حازم بيك ، جت اللحظة اللى ضرورى فيها
يتكلم (فى هدوء) يسرى مايقدرش يعيش ولا انا
اقدر اعيش معاه بالشكل ده ، انا مش نور يا حازم
بك ، مش نور •

(حازم يتراجع الى الخلف فى خوف
والمرح يعمه الخوف من مجرد ذكر اسم
نور فى حضور حازم) •

يسرى : (لصفاء فى لهجة تحذير وتأييد) صفاء ١٩

صفاء : (تهز يسرى) اتكلم • انطق • قول كفاية (تتأمله
وهو يشيح بوجهه عن وجهها وصوتها يخفت
تدريجيا وهى تدرك الا فائدة من النداء • تسقط
يديها الى جانبها فى ثقاقل) •

حازم : (يتنفس فى ارتياح) يسرى ابنى ، ومافيش قوة فى
الأرض تفرق بينى وبين ابنى •

(يسرى يطوق صفاء بذراعه فى محاولة
لتهدأتها وصفاء تسقط يده عن كتفها فى
عنف) •

صفاء : ابعد عنى ٠٠٠ ايدىكم بتقطر دم .
(ابتسام تميل وتسحب معطفها من على
قدمى حازم)

فاطمة : اخرسى قطع لسانك ، بره ٠٠ اخرجى بره .
يسرى : صفاء خارجة خارجة ، وبارادتها هى ، ياريت تغير
رايها ، ياريت أقدر أقنمها تستنى .

صفاء : صعب على يائسرى ٠٠ صعب جدا ، ولكن ضرورى
أخرج ٠٠ ماقدرش أتخلى عن مسئوليتى تجاه
نفسى ، تجاه الناس ٠٠٠ أنا مش نور يائسرى .

(ابتسام وقد ارتدت معطفها فى اتجاه باب
الخروج ، سامى يتقدم الى خشبة المسرح
فى نفس اللحظة التى تنتهى فيها صفاء من
كلامها ٠ سامى يمد يده فى جيبه وفى
ثناقل يخرج ورقة ملفوفة ، يحل الورقة
وعيون الكل مركزة على حركاته ، يخرج
من الورقة سلسلة نور الذهبية التى تحتوى
على عقد الزواج من حازم ، يرفعها الى
أعلى بحيث يراها الجميع لتأرجح فى
الهواء ٠ سامى يسير والسلسلة مرفوعة فى
الهواء حيث يجلس حازم ويسقط السلسلة
من أعلى فى حجر حازم ، حازم يتنفذ
والسلسلة ترقد فى حجره دون أن يلمسها)

سامى : عارف السلسلة دى طبعاً يا حازم ٠٠ كلكم طبعاً
عارفينها ٠ رجعت لك يا حازم السلسلة ٠٠ آخر
حاجة عملتها نور قبل ماتموت حلت السلسلة وقالت

رجعها لحازم ، واهى رجعت ، رجعت لك يا حازم ،
رجعت لكم التسلسلة .

(حازم يلتقط التسلسلة ، تلتمع الدموع فى
عينيه لحظة وهو يراقبها ، يتجلد ويناولها
ليسرى ، يسرى يخبىء التسلسلة فى جيبيه
فى عجلة ، صفاء تلحظ حركة يسرى وتهتم
ان توقفه ولا تفعل . يسرى يبدأ فى تحريك
مقعد حازم فى اتجاه عرفتة تتطلع اليه
صفاء ويشيح بوجهه عنها)

صفاء : (فى هستيرية خفيفة) خبى يا يسرى التسلسلة خبى
(توليه ظهرها وتتقدم الى مقدمة المسرح) وفين
متخبئها يا يسرى . . . فين متخبى ؟ (فى صوت
خافت وهو تواجه المشاهدين) التسلسلة انحلت عن
رقبة نور ورجعت لكم (تتحسس رقبتها) انحلت
التسلسلة ورجعت لكم ، وفين متخبى يا يسرى ؟
فين متخبى ؟

اظلام

تحققي الاضاءة من المسرح وينتقل المشهد الى غرفة حازم الذي
يجلس على السرير مستنداً برأسه على مؤخرته • زبيدة ويسرى
وفاطمه وسنية وعزيز يلتفون حول السرير • لا يضيء المسرح
الا شموع في التورته • الرؤوس تتلاقى حول الشموع والكل منحني
استعداداً لأطفاء الشموع • المجموعه تبدو في الضوء الخافت وكأنها
كتلة بشرية لا أفراد متميزين • تنطفأ الشموع فجأة وتُسود المسرح
لحظة ظلمة قصيرة جداً ثم يشتعل النور في الحجرتين ، حجرة
المريض وحجرة الاستقبال مع تهليل وضحكات وصرخات ابتهاج
وتصفيق في حجرة المريض • جرامفون صغير يبدأ في نفس اللحظة
التي يسطع فيها النور يردد اغنية الميلاد المعروفة

الجميع في منتهى الانسجام والابتهاج والبعض يلثم أجزاء من
التورته والجرامفون يعلق على الفقرة التالية ويكررها المرة بعد
الأخرى For he is a jolly good fellow

يتسدل الستار تدريجياً والجرامفون يعود يكرر نفس المقطع •

Happy birth day to you

كتبت هذه المسرحية سنة ١٩٦٥

مطابع الهيئة المصرية العامة للكتاب

رقم الايداع بدار الكتب ١١٣٠٩ / ١٩٩٣

ISBN — 977 — 01 — 3603 — 1

«بيع وشرا» مسرحية عن الحب والموت حبا، وعن
غريزة التملك، تملك المال والبشر، تلك الغريزة التي
تحيل الناس - المالك منهم والمملوك - إلى عبيد.

وتقدم المسرحية صراعا دراميا مريرا، يكشف عن
أعمق أعماق شخصيات حية وقوية، لا تضع
لصراعها من أجل التملك حدا.

وتتميز مسرحية «بيع وشرا» بالبناء الدرامى
المتناسك وتذخر بالمشاعر المتضاربة التى تغنى
القارئ بمستويات المعنى المتحورة الموجية. وتقدم
المسرحية فى الوقت نفسه تعليقا بليغا على طبيعة
القيم التى تتحكم فى مجتمعنا فى لحظته الراهنة.

وتتمسك الكاتبة المبدعة لطيفة الزيات فى
مسرحيتها بالشكل المسرحى التقليدى الأرسطى
وتكتشف إمكانات جديدة لهذا الشكل، غنية
ومتعددة.